

Jesu'walaŋ Mede Momooŋ Makdi Youkuk

Yodakale Mede

Mak adi Mede Momooŋ youlene nadiŋa baigoŋ nadidakaleeŋ medeŋiŋ diniŋ daŋiniŋ indiŋ kameeŋ youkuk: “Jesu Kilsto Bepaŋ Mihiniŋ'walaŋ Mede Momooŋ.” Jesu adi mede hogok mu yoluguk, adi yadi mede yoŋa kunumneniŋ kudi wanaŋ pilap saŋiniŋnit hinek tuluguk. Indiŋ tuluguk. Metam Mede Momooŋ yenindidimeluguk, agoŋ yabap moihi yeninkelelutuguk, agaŋ metam kadakaniŋ titiŋ kadakaniŋhik tumolokutuguk, tiŋa adi kwetfoloŋ me'walaŋ mihi tuguk, kwetfoloŋ metam hogohogok indi kadakaniŋ, kumuŋ eŋ Sadaŋ'walaŋ folok fafaŋeniŋ gineŋ hatigumun u fiyakutnimuŋa ninigila beŋa Bepaŋ netok mebit nipmeguk. Unduŋ doktiŋa indi nai indidegoŋ Jesu nadisukilitimiŋa Bepaŋ ne'walaŋ wapmihiniŋye hinek hatiyam.

Mak adi unduŋ tiŋa Jesudi Mede Momooŋ yoluguk wondok adi haŋaniŋgoŋ youkuk, eŋ Bepaŋ'walaŋ saŋiniŋ foloŋ kunumneniŋ kudi tuluguk wondiniŋ mede kahat adi gibita hinek tiŋa youkuk. Unduŋ tiŋa yeguk e' tububihila Jondi Jesu Imeyout timiŋguk eŋ Sadaŋdi tikamanda timiŋguk agaŋ kwanai tububila Mede Momooŋ yohautaguk eŋ Bepaŋ'walaŋ saŋiniŋ foloŋ kunumneniŋ kudi tuguk kaŋ metam Jesu keleeŋ yaugiŋdi Jesu adi biyagoŋ hinek Bepaŋ mihiniŋ kakiyondagiŋ diniŋ kahat youkuk.

Iŋgoŋ e', Jesu memikniŋye adi yadi welekwambuŋ hinek tiŋa mede gineŋ kameeŋ kolonŋdabek foloŋ ulukumuŋa wenefulagiŋ, iŋgoŋ Bepaŋ'walaŋ saŋiniŋ foloŋ kotigoŋ kaikaŋ pilakuk wondiniŋ kahat youkuk.

Mak'walaŋ kahat dikineŋ mede fek indiniŋ [] gineŋ hatak uyadi Mak negoŋ youkuk be mu youkuk u mintadakale hinek mu tilak. Wondok adi nadinadime nolidi kougoŋ kiyonadi tiŋiŋ.

Mak'walaŋ mede diniŋ yohebet

1:1–1:13 Mede Momooŋ dedinŋ tububihikuk

1:14–9:50 Jesudi Galili kwetneŋ kwanaiŋiŋ tububihikuk

10:1–10:52 Galili kwetneŋ tububihila titawooŋ Jelusalem usuwaguk

11:1–15:47 Jelusalem eŋ yokwet magimagi ilaugiŋ gineŋ kwanai tuguk

16:1–16:8 Jesu kumuŋ gineŋiŋ kaikaŋ pilakuk

16:0–16:20 Wapum adi mintahabi tiŋa hatigene kunum gineŋ loguk

Jon Imeyout Tububihit'walaŋ kahat
(*Matiyu 3:1-12; Luk 3:1-9, 15-17; Jon 1:19-28*)

1 Bepaŋ mihiniŋ Jesu Kilisto diniŋ Mede Momooŋ ²adi polofet Aisaiyadi koom youkuk undugoŋ hinek tububihila mintaguk. Aisaiyadi indinŋ youkuk, “Nu kwanai-mene kamewe timerŋ wooŋ talik do bui tigambaak. ³Adi kwet fiilenŋ indinŋ kutilak: Wapumdok tiulidoko tinerŋ tiŋa talik figumotaanŋ iminnerŋ.”

⁴Unduŋ youkuk kaŋ biyagoŋ hinek Jondi kwet fiilenŋ buŋa Imeyout kwanai tiŋa metam indinŋ yenihautaluguk. “Hidige, kadakaninŋhik sigilulum tiyemiŋa buune Imeyout tihambene Bepaŋdi kadakaninŋhik tumolokuhambek.”

⁵Unduŋ yonŋa tubu metam fee Judiya maanerŋ eŋ Jelusalem yokwet wapum maanerŋ itawagiŋ adi Jon medeŋinŋ nadine ugiŋ. Wooŋ kadakaninŋhik yofiyalu Jodaŋ ime ginerŋ Imeyout tiyemuluguk. ⁶Tinahukutŋinŋ adi kale kamel^a dumuniŋdi tigiŋ, eŋ kiyegelepeŋinŋ adi kale gitnemdi tigiŋ wendi gadinŋinŋ foloŋ youkilitiguk. Nanaŋe adi gwatak dut siminŋkupuk naaŋ hatiguk. ⁷Unduŋ tiŋa itauŋa metam indinŋ yeniluguk, “Me niŋ kougoŋ baak adi loloŋnit, nu nalakapmeŋ tilak. Nu aindiniŋdi tipilapilaye timindok tuwot moŋ. ⁸Nu adi imedi Imeyout tihamulat, inŋgoŋ adi yadi Uŋgoŋinŋ Munabulidi youhambaak.”

Jesu Imeyout tuguk kaŋ Sadaŋdi tikamanda timiŋguk
(*Matiyu 3:13-17; 4:1-11; Luk 3:21-22; 4:1-13*)

⁹Unduŋ yonŋila Imeyout kwanai hati tulu heleniŋ Jesu Galili kwet wapumneŋ yokwet niŋ Nasalet u biŋa buune Jondi Jodaŋ ime foloŋ Imeyout timiŋguk. ¹⁰Imeyout timimbu labuŋa maginerŋ yali dadiyeenŋ kaune kunum dilitombu Uŋgoŋinŋ Munabulidi butigili wele tiŋa fomiŋguk. ¹¹Fooŋ fotokomimbune yali nadilu kunum gineniŋ mede niŋ indinŋ foguk. “Du adi na'walaŋ mihine hinek, welenedi hinek gabukahilelat. Nu nadigambe utumba hinek tilak.”

¹²Nai uŋaniŋgoŋ pilap hinek Uŋgoŋinŋ Munabulidi nimbune kwet fiilenŋ wooŋ helebufa 40 hatiguk, ¹³kwet u kale moihi, mikhinit hatiyaŋinŋneŋ uguk. Uŋoŋ wooŋ hatilune Sadaŋdi kadakaninŋ titinŋdok tikamanda timiŋguk. U tubudapmaune aŋelo hekidi buŋa tubulodagiŋ.

Jesu kwanaiŋinŋ tububuhit tiŋila mihiniŋye yanagikuk
(*Matiyu 4:12-22; Luk 4:14-15; 5:1-11*)

¹⁴Jon agaŋ yot fafaŋeniŋneŋ kamegiŋ kaŋ Jesu Galilide wooŋ Mede Momooŋ yoyo tuguk. ¹⁵Indinŋ yoguk, “Bepaŋ'walaŋ Hatihati Kobulidi

^a 1:6 Kale woŋ adi gawaŋgawaŋ hogok tiŋa siginŋ foloŋ bomboŋeŋ. Eŋ meeniŋ maanŋ uŋgoŋ looŋ ilu yanagila talik kweetniŋ yawiinŋ.

agan hehitubu-dulalak doktiņa kadakanihik sigilulum tiyemiņa Mede Momoon hogok nadisukilitiyaneer.”¹⁶ Unduņ yonņa Jesu Galili Imengwan magi hogok woon Saimon dut kwayan Endulu yabuguk. Adi adi pisi mongomongot yakat doktiņa imengwan gineņ umbenhik kukut hati tulu¹⁷ Jesudi woon yeninguk, “Buņa nu nehikeledemek kaņ metam yahanjedok hanindidimewit.”

¹⁸ Unduņ yenimbune nai uņaningon umbenhik uņgon biyabuņa Jesu kelegumuk. ¹⁹ Kabe muniniņ uyeņ meyat lufom niņbo yabuguk, u Sebedi mihiniyat, Jems tiņa kwayan Jon. Adi muwage folon loon ila umbenhik ha tutumbagumuk ²⁰ kaņ Jesudi yabuņa kutiyenimbu behik Sebedi adi tipilapilaye-me heki dut muwage folon uņgon biyabuņa adi Jesu kelegumuk.

Jesudi Kafanaum yokwetneņ kwanai tuguk

(Luk 4:31-37)

²¹ Jesu tiņa me noli maan adut Kafanaumde ugiņ. Woon hatiņa Sabat nai niņ folon Judahi’walaņ bopyotneņ foon Jesudi Bepaņ’walaņ mede yenindidime tuguk. ²² Adi Yodoko Mede hinale hekidi yoyagiņ unduņ mu yoguk. Adi yadi mede molomdi fuluņgon hinek yoguk doktiņa metamdi nadiņa boho tigiņ.

²³ Mede Momoon yayolu me niņ yabapnit bopyotneņ uņgon ikukdi yakawe toņa indiiņ yoguk. ²⁴ “Jesu Nasaletniņ, du maņgon tinimbe buņa? Du nihitubu-kadaka be tibe buņa? Du Bepaņ’walaaniņ me uņgoniņ u agan nadigamulat.”

²⁵ Unduņ tobune Jesudi yabap indiiņ nintoguk, “Kabup. Mede wabiņa me u weleņ maaneņniņ labubuņa weņ.” ²⁶ Unduņ nimbune yabapdi me u gibita mahamulaņa yakawe wapum toņa labubuņa uguk.

²⁷ Kaņ metam adi u kaņ boho tigiņ. Tiņa, maņgonți unduņ tilak yonņa nehi uņgon indiiņ yonadigiņ. I hinale kwanai nadinadi kobuli bidak tiņa bu tilak. Me ya yabap heki mede saņiniņnit hinek yenimbu medeņiņ nadimiini. ²⁸ Unduņ tubune gigitniņdi Galili maaneņ kwetkwet hautadapmaguk.

Jesudi metam fee yehitubu-kedebaguk

(Matiyu 8:14-17; Luk 4:38-41)

²⁹ Jesu tiņa mihiniye adi bopyotneņiņ fakaņ foon woon Saimon dut Endulu yohineņ ugiņ. ³⁰ Wosuwaune niņgiņ, “Saimon yapmaņ tam adi foloon kudup daune yopmaņ deihatak.” ³¹ Unduņ niņgiņ kaņ Jesudi woon kohon gineņ honeune kedebaan pilali ikuk. Pilali nanaņ nongon nanaņdok yonņa tiulidokoune nagiņ.

³² Ala tebele mele fohebidok tulune metam nohiye yagithinit be yabaphinit u yanagila Jesu’walaņ bugiņ. ³³ Metam fee buņa bopneņiņ,

noli hogok kwanaiŋiŋ kane bugiŋ. Buŋa fakaŋ bopnegiŋ ³⁴kaŋ Jesudi metam yagit mebimebihinit yehitubu-kedebaŋ noli yabap kadakaniŋhinit u yehikeleyemguk. Unduŋ tubune yabap heki kwanai u Jesudi tilak u agaŋ nadigiŋ doktiŋa yohautaneneŋ yoŋa yenihep tuguk.

Jesu Galili maaneŋ Mede Momooŋ yoyo tuguk

(Luk 4:42-44)

³⁵Heleune haniŋ timiŋ Jesu pilali yokwet wapum bikabuŋa behepneŋ mehinek mokitneŋ wooŋ Bepaŋ ha ninadiguk. ³⁶Haninadilune Saimondi me noliŋiye yanagila lohitaugiŋ. ³⁷Lohitawooŋ kaŋ niŋgiŋ, “Metam golohi tiŋiŋ.”

³⁸Nimbune yeniŋguk. “Yokwet nolinoli gineŋ wooŋ Mede Momooŋ yeniyeŋiŋ uŋoŋ maŋ tibit. Nu kwanai wendegoŋ bugut.” ³⁹Unduŋ yoŋa Galili kwetneŋ Judahi’walaŋ bopyot yaliugiŋ indigoŋ tuwot yaudapmaŋ Mede Momooŋ yohauta tiŋa yabap kadakahi yehikeleyauguk.

Jesudi me niŋ wede hakinit tubukedebaguk

(Matiyu 8:1-4; Luk 5:12-16)

⁴⁰Unduŋ tiyaulu me niŋ wede hakinit adi Jesu’walaŋ wooŋ mulelem timiŋa tubulodadok yo indiiŋ niŋguk. “Da nadilaŋ, nehitudu-lodawe kaŋ kedem nehitudu-kedebaweŋ.”

⁴¹Unduŋ yobu Jesudi kaŋ bulaniŋgoŋ nadiŋa kohoŋ kiiwali honeŋ niŋguk, “Kedem nadigamulat ale walandaweŋ.” ⁴²Unduŋ nimbu folooŋ walandaguk, kaŋ ⁴³nihep tiŋa indiiŋ niŋguk, “Metam mu yenimbihileŋ. ⁴⁴Siloŋyot diniŋ talitimen’walaŋ didimeŋgoŋ weŋ kaŋ gabunadiwek. Kaŋ metamdi gabuŋa agaŋ kedebaŋaŋ unduŋ nadiŋeŋdok weŋ, wooŋ koom Mosesdi yoguk unduŋ Bepaŋdok kale dumuŋ hemundumunduŋe timimbeŋ.” ⁴⁵Unduŋ niŋguk iŋgoŋ me i wooŋ kwanai u mu tuguk. Adi wooŋ kahat yohautaguk kaŋ metam mohokdi Jesu’walaŋ uneeneŋ doktiŋa Jesu adi yokwet wapum maaneŋ mehinek fee gineŋ fofonŋdok moŋ nadiŋa, kwet mehinek mokitneŋ wooŋ halune mehinekdigoŋ toboniiŋ wooŋ kayagiŋ.

Jesudi me niŋ kayoŋ kumiŋ tubukedebaguk

(Matiyu 9:1-8; Luk 5:17-26)

2 ¹Helebufa noli dapmaune Jesu koti Kafanaumde uguk. ²Uune metam feedi kahatŋiŋ nadiŋa buŋa Jesu yolineŋ bopnegiŋ. Yotmaŋ u tuwot tubune noli talik yeyemeŋ yaŋiŋ. Kaŋ Jesudi Mede Momooŋ yayenilu ³me lululufomdi me niŋ kayoŋ kohoŋ kumuhi, talik mu yauluguk bemŋa bugiŋ. ⁴Bemŋa buŋa Jesu hebeŋ gineŋ kameŋdok baŋam moŋ kaŋ me u koti bemŋa yot foloniŋ logiŋ. Looŋ Jesu yakukneŋ didimeŋiŋ kitomuŋa me u gulupŋiŋ foloŋ halune kapmau foguk. ⁵Foune

Jesudi nadisukilitihik kanadi bilatenj ninguk, “Mihine, kadakaninje aganj tumolokutat.”

⁶Unduj yoguk kaj Yodoko Mede hinale heki adi nadinadihik ginen indin nadisuginj, ⁷“Me i dedinj doktiņa mede unduj yolak? Kadakaninj bibinj adi Bepanjdi hogok tilak. Ya Bepanj’walaņ kwelikonj tilak.”

⁸Unduj nadisuginj kaj Jesudi nadisuhik u aganj kaj yeninguk. “Hidi nadisu undihi manņonņde tiņj? ⁹Me kayonj kohonj kumuhi i mede lonņonj dedinj nininjdok? Kadakaninje tumolokutat. Be pilali gulupge moņgola weņ. ¹⁰Unduj doktiņa, Me Kobumuņ nu kwetfolonj inņonj kadakaninj bibinjdok saņjiniņne hatnamulak u tibe kanenj.”

Unduj yeninņa me kayonj kohonj kumuhi u indinj ninguk ¹¹“Nu ganilat. Pilali gulupge moņgola yokede weņ.” ¹²Unduj nimbune metam yakaune me u pilali gulupņinj moņgola yolide uguk, kaj metamdi koom nemek indininj nemu kagumun yoņņa Bepanj niutumba tiņj.

Jesu me kadakahi dut nananę naginj

(Matiyu 9:9-13; Luk 5:27-32)

¹³Heleninj Jesu Galili imenņwaj magineņ kotigonj uguk kaj metam feedi kane buginj. Bune kotigonj Mede Momoonj yeniyeninj tuguk. ¹⁴Unduj tiņa ime magi tebe hogok wooņ Alifiya mihiniņ Lewi takis muneen moņgomonņot me adi kwanai yotneņ itune kaj ninguk. “Nehikeleweņ.”

Unduj nimbune adi pilali keleguk. ¹⁵Unduj tiņa loonj Lewi yolineņ nananę ila nalune me takis muneen moņgomonņot fee eņ metam kadakaninj titinj noli wanakanj buņa Jesu tiņa mihiniņye yehitomboyoula nananę noņņonj ila naginj. Me undihi feedi Jesu takaliyaginj doktiņa buņa yehitomboyoukiņ. ¹⁶Kaņ Falisi mebop’walaaniņ Yodoko Mede hinale heki adi Jesu me kadakahi dut nananę naguk u kaj mihiniņye indinj yeninadiginj, “Jesu adi detiņa nananę me indihi dut nalak?”

¹⁷Unduj yonadiginj kaj Jesudibo medehik u nadiņa indinj yeninguk, “Haguwo-me adi metam kedehi mu yehitubu-lodalak. Adi metam yagithinit yehitubu-lodalak. Unduņonj nu maan me fofohi loloņhinit yehitubu-lodadok mu bugut. Nu adi me kadakaninj titinj yehitubu-lodadok bugut.”

Jesu nananę kamehepdok ninadiginj

(Matiyu 9:14-17; Luk 5:33-39)

¹⁸Jon Imeyout Tububihit mihiniņye eņ Falisi heki adi nai niņ nananę kamehep tiņa hogok hakiņ. Kaņ metam nolidi buņa Jesu ninadiginj. “Jon Imeyout Tububihit mihiniņye eņ Falisi heki mihiniņye adi nananę kamehep tiņa halune du’walaņ mihigeye adi dedinj doktiņa nananę kamehep mu tiņj?”

¹⁹Unduj ninadiune Jesudibo yeninguk. “Me kohokukut titinj dok adi hinamuni gineņ uņņonj halu me nananę nanadifodok buneņ adi

nanaje kamehep kedem be tinej? U tuwot mokoŋ. Me hinamuni molom nonŋoŋ halune nanaje kamehep u tuwot mu tine tiŋit. ²⁰Hatigene me wapumhik yolom nagilune kaŋ nai uŋaniŋ nanaje kameheŋa map hatineŋ. ²¹Nebek niŋdi haule kobuli dobuŋa dahidahi komi foloŋ tuwot mu tibine galiwek. Unduŋ tubune adi haule kobulidi komi hamaneune dahidahi komi u hamanoŋoŋ bulaginewek. ²²Be nebek niŋdi wain ime gitipmuŋ tutumbaanoŋ kale gitnemdi ime tout tibineyagiŋ uŋolok komi gineŋ tuwot mu uŋolowek. Unduŋ tibek adi waindi tout komi tubutawaanoŋ kwatnewaakneŋ doktiŋa wain kobuli adi tout kobuli gineŋ hogok uŋolodok.”

Sabat diniŋ mede
(*Matiyu 12:1-8; Luk 6:1-5*)

²³Sabat foloŋ Jesu adi mihiniŋye dut wit fiye gineŋ-talik ugiŋ. Uŋila uŋila mihiniŋye adi wit foloŋ wootitiit tigiŋ ²⁴kaŋ Falisi hekidi yabu tuwot mu tubune Jesu indinŋ niŋgiŋ. “Yodoko Medenikdi Sabat foloŋ kwanai mu titiŋdok yolak kaŋ hidi maŋŋoŋde unduŋ tiŋiŋ?”

²⁵Unduŋ yobu adibo indinŋ yeniŋguk, “Hidi koom Abiatadi Siloŋyot diniŋ talitimenŋ hatilugukneŋ Dewit tiŋa mikmenŋiyedi map nadiŋa tigiŋ u mube kunali nadiŋiŋ? ²⁶Dewit adi wooŋ Bepaŋ’walaŋ Siloŋyotneŋ fooŋ Bepaŋdok belet uŋŋoniŋ yoŋa kamegiŋ u tiŋa naaŋ mikmenŋiyeye yembune nagiŋ. Kaŋ Yodoko Medenikdi unduŋ mu titiŋdok yoŋit, adi me talitimenŋdi hogok nanaŋdok yoŋit.”

²⁷Unduŋ yeniŋa indinŋ tomboyoula yeniŋguk. “Sabat adi mehinek yehitubu-lodadok kameguk, eŋ mehinekdi Sabat tubulodadok mu kameguk. ²⁸Unduŋ doktiŋa Me Kobumuŋ adi Sabat maŋŋ kadokolak.”

Jesudi Sabat foloŋ me niŋ tubukedebaguk
(*Matiyu 12:9-14; Luk 6:6-11*)

3 ¹Nai ninde Jesu kotigoŋ Judahi’walaŋ bopyotneŋ foguk, kaŋ me niŋ kohoŋ kumuŋ tuguk adi maŋŋ uŋŋoŋ ikuk. ²Kaŋ me noli adi Jesudi me u Sabat foloŋ nobu tubukedebau kaŋ mede gineŋ kameŋdok yoŋa yamaŋŋoŋ ila kakuwakiŋ. ³Kaŋ Jesudi me kohoŋ kumiŋ u niŋguk, “Pilali iŋŋoŋ labeŋ.” ⁴Niŋa metam yeniŋguk, “Yodoko Medenikdi Sabat foloŋ dedinŋ titiŋdok yolak? Meeniŋ yehitubu-lodadok be yehitubu-kadakadok yolak. Be meeniŋ hatihatihik tomboyouyemdok be yehitubu-kadakayemdok?” Unduŋ yenimbu metam adi mede mu yoŋa hogok ikiŋ, ⁵kaŋ Jesu adi yabuŋa kwihita tuguk. Tiŋa unduŋŋoŋ welekwambuŋ tigiŋ doktiŋa welemulap tuguk. Unduŋ tiŋa me kohoŋ kumiŋ u niŋguk, “Kohoge kihiwaleŋ.” Unduŋ nimbune kohoŋ kihiwalune utumbahinakaguk. ⁶Kaŋ Falisi heki adi Helot’walaŋ mebop dut wooŋ bopneŋ Jesu uutdok yoŋa yohebet tigiŋ.

Metam Galili Imengwan gagayen bopnegin
(Luk 6:17-19)

⁷Jesu mihiniye dut Galili Ime luhiner ugin kan metam feedi yehikelegin. Metam u yadi Galili, Judiya, ⁸Jelusalem, Idumia, Jodan ime fokolok mele labulabunekade, agan Taiya dut Saidonkade bugin. Metam unahi adi Jesudi kwanai tuluguk dinin gigitnin u nadija bugin. ⁹⁻¹⁰Kan mehinek fee yehitubu-kedebaguk kan noli yagithinit adi buja wehemila kedebadok yona kwanaimin tigin. Undun tija bu tubukapene tinene yona mihiniye yenimbune muwage tiulidokomigin. ¹¹Undun tubune yabaphinit adi buja heben folon ungon maan hali indin niyagin, “Du Bepan mihininj.” ¹²Undun niyagin kan Jesu adi yabap heki fafanenjon yeniheja adi nedigon hinek u mu yobihitdok mon yenheluguk.

Jesudi mihiniye 12 yabukahileen yanagikuk
(Matiyu 10:1-4; Luk 6:12-16)

¹³⁻¹⁴Jesu kweboboe folon loon me ne yabunadiguk u kutiyenimbu ugin kan me 12 hogok negut hatidok yabukahileen yanagila wohik Aposel yeninguk. En Mede Momoon yoyo tiyadok yeniija ¹⁵yabap yehikeledok saninin maan yemguk. ¹⁶Me yanagikuk u wohiye indin: Saimon (Jesudi wou Pita ninguk), ¹⁷Sebedi mihiniyat Jems dut Jon (Jesudi wohik Boanes yeninguk, mebi munkulap me), ¹⁸Endulu, Filip, Batolomi, Matiye, Tomas, Jems Alifiya mihininj, agan Tadiyas, Saimon Selot, ¹⁹agan Judas Kaliotnin (adi hatigene Jesu bolik timinguk).

Jesudok welelufom tigin
(Matiyu 12:22-32; Luk 11:14-23; 12:10)

²⁰Undun tija Jesu yopmande uune metam feedi kotigon buja bopnegin. Undun doktija Jesu adi mihiniye dut nanaje nanandok banam nemu mintaminguk. ²¹Undun tubune menjemeniyedi u nadija nadibubuye tilak yona nagitne bugin.

²²Kan Yodoko Mede hinale Jelusalemhi bugin adi indin yogin, “Yabap heki’walañ wapumhik Belisibudi tubulodaune yabap yeningkuyaulak.”

²³Undun yobune Jesudi kutiyenimbu buja bopneune yoyout mede indin yeninguk, “Sadan adi Sadan deti kelekulek. ²⁴Kwet wapum nin di utawaan bop molomolom tija mindobune kwet u kadaka tibek. ²⁵Be me hekinolit nin adi daneen molomolom hatiña mindobu tubune lekingonhik folon utawautawa halune kadakawetik. ²⁶Undun doktija Sadan adi undugon, utawaan bop lufom tija mindobu tubune adi maan kwanainin kadakalak.

²⁷“Nebek nin me fafanenin’walañ yoli ubulagineen bombon kubo timimbe nadiña timerj yot molom u tawa tija ibikilitiune halune yoli

kedem ubulaginewek. ²⁸Indiņ hanindakalewe nadinerj, metam hidi kadakanihik be mede kadakanij yoiņ u Bepañdi kedem bihambaak, ²⁹iņgoņ nebek niņ mede kadakanij Uņgoniņ Munabulidok nimbaak adi yadi kadakanijniņ mu dapmawaak. Adi kadakanij fafaņeņ hinek tibaak doktiņa kadakanijniņ u hali wooņ halaak.”

³⁰Metamdi yabapnit yaulak niņgiņ doktiņa unduņ yeniņguk.

Jesu miņ kwayaņiye
(*Matiyu 12:46-50; Luk 8:19-21*)

³¹Unduņ tiņa hatu Jesu miņ kwayaņiye wosuwaan fakañ yali, fakañ fofonđok mede kamemimbune loguk. ³²Kañ metamdi niņgiņ, “Manje kwayageye mede ganine fakañ woomgamiij.” ³³⁻³⁴Unduņ niņgiņ kaņ metam adut ikiņ yabuņa indiņ yeniņguk. “Mane kwayaneyey nedigoņ? I kaiņbe? Hidi i ikiņ, hidikuyeņ nu’walaņ maneye, kwayaneyey eņ witneye. ³⁵Metam nediyeņ Bepañ’walaņ maņiņ mede nadiņa takaliij adi yadi nu’walaņ maneye, kwayaneyey eņ witneye tiij.”

Jesudi yoyout diniyeti gineņ kamekaaņ yoguk
(*Matiyu 13:1-9; Luk 8:4-8*)

4 ¹Jesu kotigoņ imengwan gagayeņ wooņ Mede Momooņ yeniyeniņ tuguk, kaņ metam feedi wooņ bopnegiņ kaņ muwage foloņ looņ ila ²yoyout mede foloņ mede fee yeniņguk. ³Niņ e indiņ, “I nadinerj, me dinina molo niņ adi nemek yeuli yetibe moņgola uguk. ⁴Moņgo wooņ sayoli kilik kukam unduņ kukuk. Kulune noli talipmeņ magiņ kaņ bagi hekidi kunatnagiņ. ⁵Noli kwet kawadenit foloņ maañ kwet wahingon doktiņa pilap kadogiņ. ⁶Iņgoņ kokoihik fuluņgoņ mu fogiņ doktiņa mele diweeņ kawade dafafaņeune kumuņ tigiņ. ⁷Kañ noli haņginep maaneņ maañ labugiņ iņgoņ haņginepdi hefulaune folooņ mu tigiņ. ⁸Noli kwet galikit foloņ magiņ adi kedem labuņa folohik fee duhugiņ. Tiņa kwedei niņ diniņ folooņ 30, noli diniņ 60 eņ noli diniņ 100. Unduņ mintagiņ.” ⁹U yenindapmaan indiņ yeniņguk, “Nebek niņ adi nadidakalewe kaņ magi baigoņ kametnadiņa nadiwek.”

Dediņ doktiņa yoyout gineņ hogok mede yohautalak yoņa ninadigiņ
(*Matiyu 13:10-17; Luk 8:9-10*)

¹⁰Jesu nehogok halune, me noli adi mihiniye tuwelupdut nongoņ wooņ ila yoyout mededok ninadi tigiņ kaņ indiņ yeniņguk, ¹¹“Bepañ’walaņ hebeņ foloņ Hatihati Kobuli diniņ mede hebiniņ hatak u Bepañdi agaņ hanimbihitak. Kaņ me noli fakankade hatiij adi yoyout mede foloņ kamekaaņ yenilat, ala

¹²‘Adi kanim yo kaiņ iņgoņ tuwot mu kadakaleiņ, eņ nadinim yo nadiiņ iņgoņ tuwot mu nadidakaleiņ. Tiņa kadakanihik sigilulum tiyembune Bepañdi tumolokuyembaakneņ.’ ”

Jesudi yoyout diniyeti ginej kamekaaj yoguk dinij mebi
(*Matiyu 13:18-23; Luk 8:11-15*)

¹³Tiņa indin yeninguk, “Yoyout i mu nadidakaleen yoyout noli dedin tiņa nadidakalenen? ¹⁴⁻¹⁵Mebi adi indin. Metam noli adi kiliki talipmen maune bagidi bu nagin undun tiin. Me Mede Momoon yoyo tilak adi mede yobu nadiin ingon pilap hinek Sadaņdi buņa mede momoon u yolom mongotak. ¹⁶Metam noli nin adi kiliki kwet kawade folon kukuk undihi. Mede nadiņa nadigalika hinek tiin ¹⁷ingon welehi maanen hinek mu mongokiin doktiņa Mede Momoon dinij mik-kwadi buune pilap hinek main. ¹⁸Metam noli adi kiliki hanġinep ginej kukuk undihi. Mede nadiin ¹⁹ingon on, hatihati kwetfolon dinij nadibedi wapum hinek tiin. Welehi wapum muneen bombondok yatak wondi Mede Momoon nadiin u kelekulu adi hogok hatifit tiin. ²⁰Kaņ noli adi kiliki kwet fofoonneņ kukuk undihi. Adi yadi mede nadiņa boihatiņa foloon fee yehitubu-mintain, nolidi 30, nolidi 60 eņ nolidi 100.”

Hauta galiņa kufula mu titindok
(*Luk 8:16-18*)

²¹Kotigon tomboyoula indin yeninguk, “Hidi, kamaņ galiņa kufula mu tiin. Moņ hinek. Tobo galiņa foloniņ miņgon kameune ila hautalak. ²²Nemek kabup hebi hatak u hakene nainiņde miņgon mintawaak. Nemek tumut ginej hatak u hakene nainiņde fiyatanakiyekulune miņgon mintawaak. ²³Nebek nin nadidakalewene kaņ magi kametnadi baigon tibek. ²⁴Mede i nadiin u gitagon hinek nadihinakanen. Hidi metam nolidik tuwolit dediniņon yemaneen kaņ Bepaņ adi u kaņ kabe-kalakapmeen wapumgon hamuluwaak. ²⁵Biyagon hinek, nebek nin adi nemek miņgin u behatibukaņ tomboyoulimimbaak, eņ nebek nin adi nemek miņgin u mu behatibukaņ lomtubune hogok hatiluwaak.”

Mede Momoon mehinek welehi maanen kwanai tilak

²⁶Undun yeniņa kotigon Bepaņ’walaņ hatihati kobut dediniņon u yoyout mede folon indin yeninguk, “Me nin adi hanġom kilik kwetfolon kamelak. ²⁷Kameen hatibu helebufa debek uune hanġom kilik adi tawaan labiin. ²⁸⁻²⁹Undun tubu me i debekti labiin u mu nadiņa hatilu loon foloon tiin. Timeņ boki labusuwaune, mebi mintaan ilune mindaņ kitili mintaan loon foloon tiņa gilakaune nanaņdok nai tilak kaņ woon datak.”

Hatihati kobulidik kigili mede
(*Matiyu 13:31-32; Luk 13:18-19*)

³⁰Undun yeniņa indin yeninadiguk, “Bepaņ’walaņ Hatihati Kobuli u dediniņ yonim? Yoyout maņgon folon kamekaaj yonene dakalewek?”

³¹Unduŋ yoŋa indiŋ yeninguk, “Bepaŋ’walaŋ Hatihati Kobuli adi mastat kilik^b dabugoŋ. ³²Kiliki woŋ adi kuyahi-kabe hinek, kiliki noli yetiyam wendok tuwolit moŋ. Inŋoŋ mindaŋ mastatdi looŋ wapum tiŋa nemenemek noli yetiyam u yalakapme tiŋa yalune bagi heki adi buŋa taŋeniŋ foloŋ uŋgoŋ deipilat tiŋiŋ.” ³³Metamdi nadidakaleneŋ yoŋa Jesudi yoyout mede fee hinek yeninguk. ³⁴Adi mede didimeŋgoŋ be miŋgilangoŋ nemu yeniluguk. Adi yoyout mede foloŋ hogok kameeŋ yeniluguk doktiŋa mihiŋiye adi nehogok hatugukneŋ wooŋ kaune mebi yenindakaleluguk.

Fifiŋgobut dut imedi Jesu’walaŋ medeŋiŋ nadigumuk
(*Matiyu 8:23-27; Luk 8:22-25*)

³⁵Nai wondok foloŋgoŋ mele folune Jesudi mihiŋiye ime fokolok uundok yeninguk ³⁶kaŋ metam bop wapum u biyabuŋa muwage Jesudi looŋ yali Mede Momooŋ yeniŋgukneŋ uŋgoŋ looŋ noŋgoŋ ugiŋ. Jesu ne agaŋ koom looŋ ikuk doktiŋa mihiŋiye hogok looŋ ilune noŋgoŋ ugiŋ. Muwage noli maŋ noŋgoŋ ugiŋ ³⁷kaŋ fifiŋgobut wapum tiŋa ime giyondaŋ buŋa muwagehik gineŋ fotokiwe tuguk. ³⁸Kaŋ Jesu adi mebi uloloŋ kameeŋ mindaŋ gwaŋ gitagoŋ damo deihakuk. Tubune mihiŋiye adi munta tiŋa wooŋ talamsukuleeŋ niŋgiŋ, “Hinale, indi agaŋ ime gineŋ wopmabutne tam kaŋ du inditok nadibedi mube tiŋa gitagoŋ deihaŋaŋ?”

³⁹Unduŋ nimbune Jesudi pilali yali sububa nihep tiŋa ime indiŋ niŋguk, “Ime, du kulemaŋ fohat.” Unduŋ yenimbune fifiŋgobut wabiune ime maŋ kulemaŋ fohakuk, ⁴⁰kaŋ Jesudi yeniŋguk, “Munta maŋgoŋde tiŋiŋ? Hidi nadisukilitihik moŋ be?” ⁴¹Unduŋ yeniŋguk kaŋ munta kisaŋ tiŋa yogiŋ, “Me i dediniŋ doktiŋa sububa dut imedi medeŋiŋ nadiyamuk.” Unduŋ yo nehi uŋgoŋ kisaŋ yonadigiŋ.

Yabap heki makaye welehik gineŋ fogiŋ
(*Matiyu 8:28-34; Luk 8:26-39*)

5 ¹Unduŋ tiŋa Galili Imeŋgwaŋ fokolok, Gelasa kwetneŋ wosuwaŋiŋ. ²Wosuwaŋ tatakula foune me niŋ yabapnit meyoŋneŋ itoulugukdi kawe buguk. ³Me u nebek niŋdi tawa fafaŋeŋdi (sen) tehiwekdok tuwot moŋ. ⁴Tawa fafaŋeŋdi tehiyagiŋ inŋoŋ tubudoko tuluguk eŋ yot fafaŋeniŋneŋ kameyagiŋ inŋoŋ ubulagineeŋ labu yauluguk. ⁵Helebufa indigoŋ meyoŋneŋ eŋ tuwai foloŋ yaŋa yakawe toŋa folooŋ kawadedi dobudobu tuluguk. ⁶Adi kweetniŋgoŋ-kabe yali Jesu kaŋ kiyane buŋa mulelem timiŋguk ⁷⁻⁸kaŋ Jesudi yabap niŋkulune yakawe kadakanŋiŋ toŋa tubune me wondi Jesu niŋguk, “Jesu, Bepaŋ Loloŋnit Mihiŋiŋ, du maŋgoŋ tinambe bulaŋ? Nu Bepaŋ namanda foloŋ ganilat, folofigita kisaŋgoŋ mu nambeŋ.”

^b 4:31 Mastat adi pepa yendiniŋ Diksineli gineŋ uŋoŋ kaweŋ.

⁹Unduŋ yoguk kaŋ Jesudi niŋguk “Du wohoge neeŋ” nimbune yoguk “Indi yabap feegoŋ doktiŋa wotniniye Me Mohok”.

¹⁰Unduŋ yobune Jesudi yehikeleune kwet niŋkade uuŋdok moŋ niŋgiŋ, ¹¹adi makaye mohok kweboboe hapmeneŋ yamaŋgoŋ uŋgoŋ yabudokoyagiŋ ala yeniŋkulu uŋoŋ lolonŋdok mede kwanai tigiŋ. ¹²Indiŋ nimbula bulayeŋ ninadigiŋ, “Kedembe ninimbune looŋ makaye heki welehiŋ maaneŋ fonim?”

¹³Unduŋ ninadigiŋ kaŋ yeniŋkulune mehinek gineniŋ fobuŋa wooŋ makaye heki welehiŋ maaneŋ fogiŋ. Foune makaye uŋoŋ hakiŋ hogohogok yokunathik 2 tausen u kiyaneŋ wooŋ maham gineŋ tatakula ime gineŋ foŋ ime naaŋ nadilali kumungiŋ.

¹⁴Unduŋ tubune me makaye yabudoko tiŋa ikagiŋ adi kiyaneŋ yokwet wapumneŋ eŋ diniyeti tiŋa ikagiŋ indigoŋ wooŋ gigit yohautaune ¹⁵metam Jesu hakukneŋ wooŋ kalune me yabapnit hatiluguk agaŋ tinahukut tiŋa nadinadiŋiŋ dakaleune ikuk u kaŋ munta tigiŋ. ¹⁶Me neeŋ kakaŋ tigiŋdi me noli mu kagiŋ kahat tiyemgiŋ ¹⁷kaŋ nadiŋa Jesudi kwet u biŋa uuŋdok niŋgiŋ.

¹⁸Unduŋ niŋgiŋ kaŋ muwage foloŋ looŋ we tubune me yabapnit hatiluguk adi Jesu dut noŋgoŋ uuŋdok yo ninadiguk ¹⁹iŋgoŋ Jesu adi moŋ yoŋa indiŋ niŋguk, “Yokede wooŋ magemageye Wapumdi kudi uŋgoŋiŋ hinek tigamuŋak wendok kahat yenimbu nadineŋ.” ²⁰Unduŋ nimbune me u udaneŋ wooŋ Jesudi nemek timiŋguk u metam Dekapoli yokwetneŋ hatigiŋ yenimbu nadiŋa boho tigiŋ.

Tam niŋ muyakip yagitnit dut Jailas waabiŋiŋ’walaŋ kahat
(*Matiyu 9:18-26; Luk 8:40-56*)

²¹Jesu kotigoŋ udaneŋ imenŋwaŋ fokolok looŋ kiŋ foloŋ yakuk kaŋ metam fee buŋa bopneŋiŋ, ²²kaŋ Judahi’walaŋ bopyothik diniŋ me wapum niŋ hatiluguk wou Jailas adi buŋa Jesu kayoŋ foloŋ maŋ hali ²³baigoŋ hinek indiŋ ninadiguk. “Waabine yagit tiŋa kumumbe tilak ale du kedembe buŋa kohoge folooŋ foloŋ kameune kedebaŋ hatibek?”

²⁴Unduŋ niŋguk kaŋ Jesu adut uune metam fee noŋgoŋ yehikeletaugiŋ. ²⁵Kaŋ adi baŋamhiŋ gineŋ tam niŋ muyakip yagit tomboyoutnit tiŋa hatibune gulet 12 tuguk. ²⁶Adi haguwo-me hekidi tubukedebanim yo tagiŋ iŋgoŋ moŋ tikaŋ biune folofigita undugoŋ hatinadiluguk. Tiŋa undugoŋ muneŋŋiŋ maŋ agaŋ yemdapmaguk. Unduŋ tiŋa kedebadok dabugoŋ iŋgoŋ tububedi tiŋa hatiguk. ²⁷⁻²⁸Tam u Jesu kahatniŋ nadiluguk doktiŋa buune metam feedi keletabugiŋ, kaŋ adi Jesu sigiŋ foloŋ metam baŋamhiŋ gineŋ uŋgoŋ buŋa indiŋ nadiguk, “Tinahukutniŋ hogok wehemila kedem kedebawit.” Unduŋ nadiŋa buŋa Jesu tinahukutniŋ wehemikuk, ²⁹kaŋ nai uŋaniŋgoŋ weleŋ maaneŋ adi agaŋ kedebalat unduŋ nadiguk. ³⁰Unduŋ tuguk kaŋ Jesu adi saŋiniŋiŋiŋ fofoye-tobune uŋgoŋ udaneŋ yali yeniŋguk,

“Nu tinahukutne neenji wehemilak.”³¹ Yeninadiguk kan mihinjiyedibo indin nigin, “Metam fee gehikeleen yamaŋon biin kan maŋgonde yonadi undinin tilan?”³² Unduŋ nigin inŋon Jesu adi giginen tinahukutnjin neen buŋa wehemikuk u kawe diweguk.³³ Diwelu tam u nemek mintaminguk u kadakaleen munta tiŋa heheleen buŋa Jesu kayon folon maan hali kahatnjin timinguk³⁴ kan Jesudi indin nigung, “Waabine, nadisukilitigedi gehitubu-kedebalak ale kulemaŋon wooŋ kedem hatiluwaan.”

³⁵ Jesu adi unduŋ yayolune me nin adi Jailas yolinenjkade mede tiŋa buguk, buŋa Jailas indin nigung, “Waabige aŋan kumulak ale hinale nimbu mu wek.”

³⁶ Unduŋ yoguk kan Jesu adi mede wondok nadibedi mu tiŋa indin nigung, “Du munta mu tibeŋ. Nadisukiliti hogok tibeŋ.”³⁷ Unduŋ niŋa metam noli adut uuŋdok kamehep tiyemiŋa Pita aŋan Jems dut kwayan Jon hogok yanagila ugin.

³⁸ Jailas yolinen wooŋ kalune tonŋiyonda wapum tiŋa makat koyone tigin.³⁹ U kanadiŋa yot maanen foon metam indin yeninguk, “Togiyonda wapum i maŋgonde tiin? Waabi i kumuŋ mu tiŋak, adi damo deihatak.”⁴⁰ Unduŋ yobune adi kagege tigin, kan yeningkulu fakanŋe foudapmagin kan waabi miŋbeu aŋan Jesu ne tiŋa mihinjiye lufomkultinjin yanagila waabi u kumuŋa hakukneŋ fogin.⁴¹ Foon kohon folon honeen nigung, “Talita kum,” mebi adi “Waabi, nu pilalen ganilat.”⁴²⁻⁴³ Unduŋ nimbune pilali uŋambuŋat tuguk kan metamdi nadiune uŋgonin hinek tuguk. Kan Jesudi mu wooŋ yobihitdok yo kamehep fafaŋenin hinek tuguk, tiŋa nanaŋe neen mimbu nawek yeninguk. Waabi u guletnjin tuwelup gineŋ Jesudi kudi u tuguk.

Jesu menjemenjiyedi kahaŋinda tigin

(Matiyu 13:53-58; Luk 4:16-30)

6¹ Jesu mihinjiye dut kwet u biŋa Jesu ne yolikwelinen Nasaletde ugin.
²⁻³ Wooŋ Sabat folon bopyotneŋ foon Mede Momoon yenindidimeguk kan metam adi u nadiŋa boho tiŋa indin yogin, “Me ya kamunda, eŋ Maliya mihinjin. Adi Jems, Josep, Juda, aŋan Saimon heki dahik. Tiŋa wiwiye indegut nonŋon hatiyam. Inŋon nadinadi indinin i dan hinek tiŋa buguk buŋa kudi uŋgonin tilak.” Unduŋ yonŋa kahaŋinda tiŋa nadilakata timingin.
⁴ Unduŋ tigin kan Jesudi indin yeninguk, “Polofet adi kwetkwet kahaŋinda mu tiin, inŋon yolikwelinen menjemenjiye adi kahaŋinda tiin.”⁵ Unduŋ nigin kan adi kudi uŋon mu titinŋdok inŋon fiit kohon metam lufom-kabe yagithinit folon kameune kedebagin.
⁶ Kan metam uŋahi adi mu nadisukilitimingin doktiŋa adi u yabuŋa welemulap tuguk.

Jesudi mihinjiye 12 yeningkulu kwanai tine ugin

(Matiyu 10:5-15; Luk 9:1-6)

Unduŋ tiŋa Jesu uŋon yokwet hakin indigon wooŋ Mede Momoon yeniyaunŋa⁷ mihinjiye 12 yehibopneen lufom lufom yeningkulu kwanai titinŋdok

une tubune yabap yehikelektudok sajinij maan yemiņa indij yeninguk. ⁸“Nemek noli mu mongo unej, kuyanġhik hogok kedem mongotnej, eġ lik, nanaje, muneerj adi mu mongo unej. ⁹Kayorj namokophik kadahinej, dahidahi noli mu mongotnej.” ¹⁰Unduġ yeniņa tomboyoula indij yeninguk, “Uune nebek niņdi haniutumbaarj hanagila yolinerj hapmeluwaaknej ungoġ itawooġ kwanai tubudapmaarj yokwet u biņa yawaneerj. ¹¹Eġ yokwet wapum niġ gineġ uune metam mu haniutumbaarj medehik mu nadiņa tubune kaġ yokwet u biņa kayohik foloġ figifigi ungoġ ulumamaņeu founē yawaneerj. Metam mebihik nadidakaledok nadiņa mute unġakoġ tiyembune kayaneerj.”

¹²Unduġ yenimbune wooġ metam kadakanijhik sigilulum tiyemdok yeniyaugij ¹³eġ yabap maan yehikeleerj metam yagithinit ime munduġ momooġdi hafiyeyembune kedebayagij.

Jon Imeyout Tububihit kumuņġij diniġ kahat
(*Matiyu 14:1-12; Luk 9:7-9*)

¹⁴Jesu adi kwanai tiyaune wougigitij kwetkwet nadidapmagij kaġ me mapme Helot adi maan nadiguk. Metam nolidi indij yoyagij, “Jon Imeyout Tububihitdi kotigoġ kumuġ ginenij kaikaarj pilakuk doktiņa kudi sajinijnit tilak.” ¹⁵Eġ nolidi Ilaija niņġij, kaġ noliyerj polofet koom hatiyagij undiniġ niņġij. ¹⁶Kaġ Helotdi nadiņa indij yoguk, me ya Jon Imeyout Tububihit kodi agarj udokogut iņgoġ kotigoġ kaikaarj pilakuk.

¹⁷Helot adi koom dali Filip’walaġ tamnij lom nagikuk ¹⁸kaġ Jondi niņguk, “Du tam u nagikuġ woġ adi yom tugoġ.” Unduġ hogok nilu nilu Helotdi kwihitaarj mikmeņiye yenimbune wooġ Jon nagila buņa tawa fafaņeniņdi ibidokooġ yot fafaņeniņnej kameġij. ¹⁹Kaġ Helot tamnij Helodiya adi welenj kudup daune Jon ulukumundok nadiguk iņgoġ Helot doktiņa nadibedi tuguk. ²⁰Jon adi me ungoņij, me momooġ doktiņa Helot adi munta tiņa kadokoluguk. Helot adi Jon medeņij mohinek nadiluguk. Nadiņa nadififile tuluguk iņgoġ fiit nadiluguk.

²¹Ala helenij Helot’walaġ mintaminta nai foloġ Helodiyadi Jon tubukumundok naiņij mintaguk. Ala hinaġ wapum tiņa gapman’walaġ me talitimeġ heki, mikme’walaġ me talitimeġ heki, agarj Galili kwet wapum diniġ me talitimeġ heki nanaje yembune ila nalune ²²Helodiya waabiņij adi Helot hekidi kaġ nadigalikadok yo buņa kap miyeguk. Unduġ tubune Helotdi niņguk, “Nu Bepaġ dawineġ biyagoġ hinek yofafajelet, du nemek niņdok nadiņa nanimbune kedem gambit. ²³Be mapme iitne fakidok nanimbenj kaġ kedem gambit.”

²⁴Unduġ nimbune waabihem u wooġ miġ ninadiguk kaġ miņdi niņguk, “Jon Imeyout Tububihit mebidok yobenj.”

²⁵Unduġ nimbune waabi u kotigoġ udaneerj pilap hinek wooġ me wapum niņguk, “Jon Imeyout Tububihit’walaġ mebi maliġ foloġ kobuk yuku kamenj tiņa bu namuliwerj!”

²⁶Unduŋ yobune bulaniŋgoŋ wapum nadiŋa welemulap tuguk iŋgoŋ moŋ deti nimbek, agaŋ Bepaŋ be metam namandahik foloŋ mede yofafaŋe tuguk doktiŋa fiit nadimiŋguk. ²⁷Tiŋa mikme yenimbune yot fafaŋeniŋneŋ wooŋ Jon kodi udokoŋ ²⁸mebi maliŋ foloŋ kameeŋ tiŋa bu Helodiya waabiŋiŋ miŋgiŋ kaŋ adibo tiŋa wooŋ miŋ mimbune kaŋ nadihakale tuguk. ²⁹Unduŋ tigiŋ kaŋ Jon mihiŋiyedi nadiŋa wooŋ dabaanŋiŋ u bemŋa wooŋ wenefulagiŋ.

Jesudi me 5 tausen nanaŋe yemguk
(*Matiyu 14:13-21; Luk 9:10-17; Jon 6:1-14*)

³⁰Aposel heki udaneŋ buŋa Jesu kaŋ nemenemek tigiŋ be Mede Momooŋ yenindidimegiŋ hogohogok u kahat timiŋgiŋ. ³¹Tiŋa adi hakiŋneŋ uŋoŋ metam fee hinek Jesudi yehitubu-lodadok woŋambuŋat tigiŋ kaŋ Jesu tiŋa mihiŋiye adi nanaŋehik nanaŋdok nai nemu mintayemguk doktiŋa indiŋ yeniŋguk, “Kwet dambek niŋ inde hogok wooŋ kaŋ hakule tinim.”

³²Unduŋ yeniŋa muwage niŋ foloŋ looŋ imeŋgwaŋ fokolok looŋ kwet fiileŋ ne hogok hatibe uguk, ³³kaŋ metam feedi yabukiyondaŋ adi imeŋgwaŋ gaga tabe hogok pilap wooŋ Jesu tiŋa mihiŋiyedi wosuwadok kwetneŋ u timeŋ wooŋ kahile hakiŋ. ³⁴Kaŋ Jesu adi muwage gineniŋ tatakula fooŋ metam mohok yabuguk, kaŋ dompa uŋamo kadoko mokitdi tiŋiŋ unduŋ tigiŋ. U yabuŋa welebulaniŋgoŋ nadiyemiŋa Bepaŋ’walaŋ Mede Momooŋ yenindidimeguk.

³⁵Kwet tebeledaune mihiŋiye wooŋ niŋgiŋ, ³⁶“I kwet fiileŋ hatnene agaŋ tebele tilak, ale metam yeniŋkulune wooŋ yokwet yamaŋgoŋ hakiŋneŋ nanaŋehik tuwanaŋ tiŋa itneŋ.”

³⁷Unduŋ yogiŋ kaŋ Jesudi yeniŋguk, “Hidi hide nemek nanaŋdok neŋeŋ yembu nanaŋe.”

Unduŋ yenimbune kotigoŋ niŋgiŋ. “Metam i hogohogok nanaŋe yemdok u indi 2 handelet kina kutnim nadilaŋ.”

³⁸Unduŋ yogiŋ kaŋ Jesudi indiŋ yeniŋguk, “Belet debek moŋgo buŋit wooŋ kanaŋe.”

Unduŋ yenimbune wo kaŋ niŋgiŋ, “Belet yawe kohofukuŋ eŋ pisi lufomuk.”

³⁹Nimbune yeniŋguk, “Metam yehidaneune bop kabekabe tiŋa kilihikit momooŋ foloŋ fo ilauneŋ.” ⁴⁰Unduŋ yobu metam yehidaneune bop noli 100 noli 50 unduŋ tiŋa ilaugiŋ ⁴¹kaŋ Jesudi belet yawe kohofukuŋ eŋ pisi lufomuk u moŋgola dadiyeŋ kunum foloŋ diweŋeŋ Bepaŋ niutumbaŋ metam daneyemdok yoŋa belet wobuŋa mihiŋiye yembune daneŋeŋ yemtaugiŋ. Agaŋ pisi maŋ undugoŋ wobuŋa daneyemguk. ⁴²Kaŋ metam hogohogok naŋ tuwot tubune ⁴³mihiŋiyedi nadikidiki u bondibondi 12 kadahitokogiŋ. ⁴⁴Me’walaŋ hogok kunakunathik 5 tausen.

Jesudi imengwan foloŋ uguk
(*Matiyu 14:22-27; Jon 6:16-21*)

⁴⁵Unduŋ tiŋa nai uŋaniŋgoŋ Jesudi mihiŋiye yeniŋkulune nehi hogok muwage foloŋ looŋ Besaidade timenŋ ugiŋ. ⁴⁶Kaŋ ne metam yeniŋkulune udapmaune ne hogok tuwai foloŋ looŋ Bepaŋ ninadi hatuguk. ⁴⁷Ala bufalune Jesu adi ne hogok hatu mihiŋiye adi agaŋ muwage foloŋ ime lekiŋgoŋ ugiŋ. ⁴⁸Ulune fiŋiŋgobutdi adi ugiŋneŋkade fedila buŋa yehisiloneune mihiŋiye uuŋdok kwanaimiŋ titaugiŋ. Unduŋ tiŋa ila ulune helehelede Jesu adi ime tabe foloniŋgoŋ yalitabuguk. Buŋa yabuŋa yalakapmewe tuguk ⁴⁹kaŋ mihiŋiye adi kaŋ momolok kaiŋ yoŋa munta tiŋa yakawe totigiŋ. ⁵⁰Kaŋ yeniŋguk, “Fafaŋe tiŋa itneŋ. Nagoŋ bulat ale munta mu tineŋ.” ⁵¹Unduŋ yeniŋa muwage foloŋ loune sububa wapum buguk wabiune mihiŋiye adi boho tiŋa nadiu uŋgoniŋ hinek tuguk. ⁵²Koom metam 5 tausen nanane yemguk u kaŋ saŋiniŋŋiŋ uŋaniŋ mu kadakalegiŋ iŋgoŋ kobuk kaŋ naditomgiŋ.

Jesudi Genesalet uŋoŋ tubukedeba-kedeba kwanai tuguk
(*Matiyu 14:34-36*)

⁵³Ime fokolok looŋ muwage u tiŋa wooŋ Genesalet imengwan magineŋ tehiŋa ugiŋ, ⁵⁴kaŋ metam adi Jesu pilap hinek kakiyondaŋ ⁵⁵yokwet indigoŋ tuwot kiyane yaŋa metam yagithinit falik foloŋ yapmeenŋ kwilooŋ kwet uŋoŋ be uŋoŋ hatugukneŋ uŋgoŋ yanagi usuwayagiŋ. ⁵⁶Jesudi yokwet gineŋ be yot wapumneŋ be dambedambek uluguk hogok metam fofohidi yagithinit yanagila wawaliweŋ buŋa dahidahiŋiŋ diki honeeŋ kedebadok ninadigiŋ. Kaŋ metam nediyeŋ dahidahiŋiŋ diki honegiŋ adi kedeba-utumba tigiŋ.

Jesudi titiŋhik komidok mede yeniŋguk
(*Matiyu 15:1-9*)

7 ¹⁻⁵Falisi heki eŋ Yodoko Mede hinale Jelusalemhi bugiŋ adi kiula buŋa Jesu kagiŋ. Tiŋa ila mihiŋiyedi nanane nagiŋ yabuŋa indiŋ niŋgiŋ, “Dediŋ doktiŋa mihigeye adi wapuhiniye’walaŋ titiŋhik diniŋ yodoko u lahula nanane nanaŋdok kohohik mu youtela hogok naiŋ.” Juda me heki adi mamahi-papahiyedi koom tagiŋ uŋakoŋ keleŋ tagiŋ doktiŋa unduŋ niŋgiŋ. Nanaŋe nanene kohohik adi koom youtekagiŋ unduŋ youtela nayagiŋ, be nanane me nolidi yetiŋa moŋgo buune tuwayagiŋ adi hogok mu hinayagiŋ, timenŋ youtet tiŋa hinayagiŋ, be kabot, maliŋ, ime gitnaŋdok tout, mutehik adi youtetdok talii kamegiŋ undugoŋ hinek keleŋ youtela moŋgo hatiyagiŋ.

⁶Unduŋ doktiŋa ninadigiŋ kaŋ indiŋ yeniŋguk, “Koom polofet Aisaiyadi yalaŋ-me hiditok-ku mede biyagoŋ hinek indiŋ yoguk. ‘Mebop

yeŋ adi mahikdi hogok naniutumbaaŋ welehikdi mu nabukahileiŋ. ⁷Bepaŋ'walaŋ mede yoŋa kwetfolorŋ me'walaŋ mede kelenjila nu naniutumbaiaŋ wondi foloorŋnit mokit tilak.' ⁸Bepaŋ'walaŋ mede agaŋ bikabuŋa kwetfolorŋ me'walaŋ mede hogok tagimneŋ hatiŋ hidi."

⁹Unduŋ yeniŋa kotigoŋ tomboyoula indiiŋ yeniŋguk. "Hidi Bepaŋ'walaŋ mede bikabuŋa hide'walaŋ nadinadihik hogok keleen indiiŋ tiŋ. ¹⁰Mosesdi 'Du maanŋe baha'walaŋ mede tilolorŋ titiŋdok' yoguk, eŋ 'Nebek niŋdi mimbeu medehaki yenimbune kaŋ ulukumuŋ titiŋdok' yoguk. ¹¹Iŋgoŋ hidi indiiŋ yoiŋ. 'Nebek niŋdi miŋ be beu indiiŋ nimbetik: Nemek du gamuŋa gehiulihidok u agaŋ Bepaŋdok silorŋ timilat, ¹²adi unduŋ kedeu yoŋa mimbeu mu yehitubu-lodalawaak.' ¹³Hidi unduŋ tiŋa Bepaŋ'walaŋ mede yotubufit tiŋ. Eŋ Bepaŋ'walaŋ mede fee undugoŋ ulamorŋgofoiŋ."

Nemek fakaŋniŋdi me welelik mu tubukadakalak
(*Matiyu 15:10-20*)

¹⁴Unduŋ yeniŋa metam kotigoŋ kutiyenimbu buŋa bopneune yeniŋguk, "Mede i hanimbene nadiŋa nadidakale hinek tineŋ. ¹⁵⁻¹⁶Nemek fakaŋniŋdi meeniŋ maaneŋ folak wendi kadakaniiŋ mu tilak, moŋ hinek. Me maaneŋ hali fakaŋ labulak wondi biyagoŋ kadakaniiŋ tilak."^c

¹⁷Unduŋ yeniŋa yot maaneŋ founi mihiiŋyedi mede u mebi yodakaleune nadidok yo niŋgiŋ ¹⁸kaŋ yeniŋguk, "Hidi adi me noli dabugoŋ, nadinadihinit mokit. Mede deti mu nadidakaleiŋ? Nemek fakaŋniŋdi me maaneŋ foŋ ¹⁹welen mu tubukadakalak. Adi kaba gineŋ ila foŋ dapmaanŋ kumobom gineŋ folak doktiŋa wondi kadakaniiŋ mu tilak." Unduŋ yenindakaleenŋ yoguk, "Nanaŋe hogohogok adi nanaŋdok hogohogok."

²⁰Tiŋa tomboyoula indiiŋ yoguk, "Nemek me welelik maaneŋ hali labulak wendi kadakaniiŋ tilak. ²¹Kaŋ welelik maaneŋ kadakaniiŋ indihidi labiiŋ: Nadisu kadakahi, kefile titiŋ, kubo titiŋ, mehinek widihikumumuŋ titiŋ, ²²nehi wapumgoŋ moŋgotdok titiŋ. Eŋ nemek kadakahi noli, me niŋ bomboŋ fofohi tinahukulune me nolidi nu tibit dabugoŋ adi tilak yo kakwihita tiŋ, be sigitiŋalo tiŋ, be me yeniwoliwolike tiŋ, be me yalaŋ yeniŋ. ²³Nadinadi undihidi me maaneŋ labuŋa mehinek yehitubu-kadakalak."

Tam niŋdi Jesu nimbulabulaye tuguk
(*Matiyu 15:21-28*)

²⁴Unduŋ yeniŋa Jesu Taiya yokwet wapumneŋ uguk. Wooŋ kabup hebihale yot maaneŋ foguk iŋgoŋ dediiŋ tiŋa kabup hale tuguk. Metam

^c **7:15-16** Nadinadi me nolidi indiiŋ yoiŋ. Mede diki indiiŋ, "Nebek niŋ adi nadidakalewe kaŋ magi baigoŋ kametnadiŋa nadiwek."

nadidapman timiyagin²⁵ doktiņa tam niņ waabiņiņ yabapnit adi pilap hinek buņa Jesu kayoņ foloņ maan hali nimbulabulaye tuguk. ²⁶Tam u Gilikniņ, ala yolikweli Fonisiya. Adi waabiņiņ Jesudi yabap kelemimbek yo buņa niņguk. ²⁷Kaņ Jesudi indiiņ niņguk, “Wapmihi’walaņ nanaje yolom mongola kamo yemtoine tuwot mu tibek, doktiņa timeņ adi wapmihi nehi naan tuwot tubune.”

²⁸Unduņ yobune mede toboniņ indiiņ tubu-udanemiņguk, “Wapum, unduņ iņgoņ oņ, kamo heki adi wapmihi’walaņ nanaje munamunam bahiņ gineņ maune uņgoņ naiņ.”

²⁹Unduņ yobune Jesudi indiiņ niņguk, “Medege unduņ tubu-udanelai doktiņa kedem yokede wooņ waabige kedebaai hatak kaweņ.” ³⁰Unduņ niņa niņkulune wooņ waabiņiņ ağan kedebaai halune wo kaguk.

Jesudi me kaulē tubukedebaguk

³¹Unduņ tiņa kwet u bikabuņa Saidon kwetneņ yokwet wapuhi 10 yalakapmeeņ wooņ Galili Imeņgwaņneņ wosuwiguk. ³²Uņgoņ wosuwiguk kaņ metamdi me niņ magi kaulē mede mu yoluguk nagila buņa Jesudi kohoi me folooņ foloņ kameune kedebawek yo niņgiņ. ³³Kaņ mehinek fee hakiņ doktiņa Jesu adi me u nagila nehi hogok wooņ kohoi yalaki sumulune me magi ginaneņ foguk, kaņ maluluk ne kohoi foloņ suwambali me kaulē mebelemniņ wehemikuk, ³⁴tiņa kunum foloņ diweu loune munabut tiņa indiiņ yoguk, “Efata.” (Indi’walaņ mede foloņ adi “tombek”).

³⁵Unduņ yobune me u magi tombune mede kedem nadiguk, eņ mebelem maan lodaune mede kedem yoguk. ³⁶Unduņ tiņa metam mu yobihitneņ yeniņguk, iņgoņ adi gigne tiņa gibita yoyaugiņ. ³⁷Yobune metamdi mede u nadiņa nadiune beweniņgoņ hinek tubune indiiņ niņgiņ, “Nemenemek momooņ hinek tiņa me mede mu nadiiņ be yoiņ yehitubu-kedebaune mede yoiņ eņ nadiiņ.”

Jesudi metam 4 tausen nanaje yemguk

(*Matiyu 15:32-39*)

8 ¹Nai mu kweheyelune uņaniņgoņ metam bop wapumdi kotigoņ buņa bopnegiņ. Iņgoņ nanajehek moņ, doktiņa Jesudi mihiniye yehibopneeņ yeniņguk, ²“Metam i nukut buņa hatibune helebufa lufomkulitniņ tilak, kaņ nanajehek ağan dapmaune map tubu yabuņa bulaniiņgoņ nadiyemilat. ³Metam noli kweetniņ hinek bugiņ doktiņa map tiņa ağan gweheye tiņ i yeniņkulene uneņ wooņ noli talipmeņ dauhik kulune maneeneņ.”

⁴Unduņ yeniņguk kaņ mihiniyedibo indiiņ yogiņ, “Kwet fiileņ indineņ nanaje deņgoņ yehitubu-mintaai metam bop wapum i yemne natoki tineņ?”

⁵Unduŋ yogiŋ kaŋ Jesudibo yeninadiguk, “Kaŋ hide’walaŋ belet dedigoŋ boihakiŋ?”

Yobune adibo yogiŋ, “7 hogok.”

⁶Unduŋ nadiŋa metam yenimbune kwetfoloŋ fooŋ ila ugiŋ. Kaŋ belet 7 u moŋgo Bepaŋ niutumbaaŋ wobuŋa mihiŋiye yembune adibo metamdok yemtaugiŋ. ⁷Unduŋ tiŋa pisi kuyahi lufom-kabe u moŋgola Bepaŋ niutumbaaŋ mihiŋiye yembune u maŋ moŋgola metam dane-yembune nagiŋ. ⁸⁻⁹Metam 4 tausen-di nanaŋe u naaŋ tuwot tigiŋ kaŋ nanaŋe nadikidiki tigiŋ u Jesu mihiŋiyedi moŋgola bondibondi 7 kadahitokogiŋ. Unduŋ tiŋa metam yeniŋkulu uune ¹⁰Jesu adi mihiŋiyedut muwage gineŋ looŋ Dalimanuta kwetneŋ ugiŋ.

Falisi hekidi Jesu kudi titiŋdok niŋgiŋ

(Matiyu 16:1-4)

¹¹Wooŋ hatune Falisi heki adi Jesu hakukneŋ buŋa deti honeeŋ nagitnim yoŋa siweneeŋ indiŋ niŋgiŋ, “Du Bepaŋ’walaaniŋ biyagoŋ hinek nobu foweŋ kaŋ kudi niŋ tubune saŋjininge kanim.”

¹²Unduŋ niŋgiŋ kaŋ Jesu adi munabut wapum tiŋa yeniŋguk, “Metam kobuhi hidi maŋgoŋde kudi tibe kakaŋdok naniŋi? Nu biyagoŋ hinek hanilat, nu kunum gineneŋ kudi tiftit tibit kaŋ hidi mu nadisukilitineŋ doktiŋa mu tibit.” ¹³Unduŋ yeniŋa mihiŋiyedut muwage foloŋ looŋ ime fokolok logiŋ.

Jesudi Falisi heki gineŋ yo mihiŋiye yeniŋkiliti tuguk

(Matiyu 16:5-12)

¹⁴Mihiŋiye adi belet moŋgotdok kaule tiŋa kubugoŋ hogok tiŋa ugiŋ ¹⁵kaŋ Jesudi fafaŋeŋgoŋ hinek indiŋ yeniŋguk, “Hidi Falisi eŋ Helot heki’walaŋ belet tububedidok haguwo gineŋ ala nadinadiŋale hatiŋaneŋ.”^d

¹⁶Unduŋ yenimbu nehi uŋgoŋ kiyonadi tiŋa indiŋ yogiŋ, “Indi belet nemu moŋgo bumun doktiŋa unduŋ ninilak.”

¹⁷Kaŋ Jesudi maŋgoŋdok yonadigiŋ u agaŋ nadiŋa yeniŋguk, “Hidi maŋgoŋde belet kauleŋ biyabuŋa buŋit wendok yonadiŋi? Mede mu nadiŋiŋbe, be mu nadidakaleŋ? Hidi nadinadihinit mokit be? ¹⁸Dauhik sipmakahi be? Be magihik kaulehi, mu naditomiŋi be? ¹⁹Koom metam 5 tausendok belet kohofukuŋ wobugut kaŋ naaŋ tuwot tubune nadikidiki bondibondi dedeŋ kadahitokogiŋ?”

Yeninadiune “12” niŋgiŋ.

^d **8:15** Mede u mebi indiŋ: Falisi eŋ Helot heki’walaŋ titiŋhik adi belet tububedidok haguwo undiniŋ. Unduŋ doktiŋa hidi adi’walaŋ titiŋhik faki-kabe niŋ tineŋ adi u-kabe wondigoŋ titiŋhik fofooŋ u kedem tubukadakawaak.

20 “Kaŋ belet yawe 7 wobuŋa metam 4 tausen yembe naaŋ tuwot tigiŋ kaŋ nanaŋe nadikidiki bondibondi dedinŋ kadahitokogiŋ?”

Yeninadiune “7” niŋgiŋ.

21 Kaŋ yeniŋguk, “U agaŋ kagiŋ iŋgoŋ deti mu nadidakaleiŋ?”

Jesudi me dausipmik niŋ tubukedebaguk

22 Jesu adi mihiŋiye dut wooŋ Besaida usuwaune metam nolidi me niŋ dawi sipmakaŋ nagi buŋa Jesudi tubutombek yo niŋgiŋ. 23 Kaŋ Jesudi me u kohon folon honeeŋ hamaneeŋ nagila nehi hogok yokwet magineŋ wooŋ maluluk dawi folon suwambali kohon dawi folon kameeŋ ninadiguk, “Nemek kedembe yabulaŋ?”

24 Unduŋ nimbune me u diweeŋ yoguk, “Eeŋ, metam yabulat iŋgoŋ yabe bem dabugoŋ yawiiŋ.” 25 Unduŋ yoguk kaŋ Jesudi kotigoŋ kohon me u dawi folon kameguk kaŋ diwedakaleeŋ nemenemek kedem yabuguk.

26 Kaŋ wooŋ yokwet maaneŋ mu fowek niheŋa niŋkulune yolide uguk.

Pitadi Jesu’walaŋ mebi yodakaleguk

(Matiyu 16:13-20; Luk 9:18-21)

27 Jesu adi mihiŋiye dut Galili bikabuŋa Sisaliya Filipaide ugiŋ. Talipmeŋ wooŋ mihiŋiye indinŋ yeninadiguk, “Metamdi nutok dedinŋ hinek naniiŋ?”

28 Kaŋ adibo niŋgiŋ, “Nolidi Jon Imeyout Tububihit yoiŋ eŋ nolidi Ilaija yoiŋ, eŋ nolidi Jelemaiya yoiŋ, kaŋ nolidi polofet niŋ unduŋ yoiŋ.”

29 Unduŋ yobune nehibo yeninadiguk, “Kaŋ hidi hide nutok dedinŋ naniiŋ?”

Unduŋ yeninadiune Pitadi niŋguk, “Du adi Kilisto.”

30 Unduŋ nimbu yeniŋguk, “Nebek noli mu yenimbihitneeŋ. Moŋ hinek hanilat.”

Jesudi kumuŋŋiŋdok yoguk

(Matiyu 16:21-28; Luk 9:22-27)

31 Unduŋ yeniŋa kumuŋŋiŋdok indinŋ tububihila yeniŋguk, “Silonjot dininŋ talitimeŋ wapum heki eŋ Yodoko Mede hinale heki tiŋa Judahi’walaŋ me wapuhi noli adi Me Kobumuŋ medeneŋ mu nadiŋa folofigita wapum miŋa ulukumuneeŋ, iŋgoŋ helebufa lufomkulitniŋ dapmaune kotigoŋ kumuŋ gineniŋ kaikaŋ pilalaak.”

32 Mede u yenindakaleune nadiŋa Pitadi Jesu ne hogok nagila wooŋ “Mede undiniŋ u mu yodok” yo kwihikwihileŋgoŋ nihep tuguk.

33 Kaŋ Jesu adi udaneŋ mihiŋiye yabuŋa Pitadi mede yoguk u nadiune tuwot mu tubune niŋguk, “Sadaŋ, du tabaweŋ! Du mede yolaŋ woŋ adi Bepaŋ’walaŋ mede moŋ. Woŋ adi kwetfolon me’walaŋ hogok.”

34 Unduŋ yoŋa mihiŋiye eŋ metam yenimbu buŋa bopneune yeniŋguk, “Nebek niŋdi nu nehikelewe nadiŋa ne’walaŋ weleŋ dininŋ be sigiŋ

diniņ nadinadi wabidapmaanġ helemahlemanġ kolonġdabekniņ bema nu nehikeleluwaak. ³⁵Kobuk nebek niņdi hatihatiniņ netok kahilewaak adi fiit timimbaak. Be nebek niņdi nutok be Mede Momoonġdok tiņa hatihatiniņ bikabaak adi hatihati foloonġ kahilewaak. ³⁶Nebek niņ adi kwetfolonġ nemek fiila liwe tibaak wendok nadigalikaanġ gagine hinek tihatilune hatihatiniņ fiilune undiniņġon hinek kotigonġ deraniņ kanġ tibaak? ³⁷Be welenġ fiilaak wendok kibikonġ maņġonġ kame hatibune tuwot hinek tibaak? Me niņ kwetfolonġ diniņ bombonġdok nadigalika tiņa welenġ kuyaniņġdok mu nadiņa, be Bepaņ sigilulum timimbaak adi hatihati foloonġ hinek deti kahilewaak? Moņ hinehinek. ³⁸Eņ nebek niņ kobuk nai kadakanġ yendok, na be medene sigilulum tinimiņa kwetfolonġdok nadinadi hogok tibaak adi nubo udaneenġ aņelo uņġoniņ hekidut Bepaņ'walaņ saņiniņniņ folonġ buneemneņ me be tam u kibimaanġ sigilulum timimbaat."

Jesu namanda uņġoniņ tuguk
(*Matiyu 17:1-13; Luk 9:28-36*)

9 ¹Unduņ yeniņa tomboyoula indinġ yeniņġuk, "Biyagonġ hinek hanilat. Metam i ikiinġ noli adi kumuņ mu tiņa hogok hatilune Bepaņ'walaņ Hatihati Kobuli saņiniņnit mintadakaleune kaneenġ."

²Jesu adi melenai 6 hatiņa Pita, Jems aņanġ Jon yanagila kweboboe kweheyeniņ niņ folonġ loonġ nehi hogok hakinġ. Hali kalune Jesu namanda uņġoniņ tubune ³tinahukutniņ adi fafau niyaniyaņ hinek mintadapmagiņ. Nebek niņ kwetfolonġ iņonġ nemek niņ youtelu undiniņ mintawekdok tuwot moņ.

⁴Unduņ mintaune yakalune Moses dut Ilaija adi mintaanġ Jesu dut mede yonadi ya tigiņ. ⁵Kaņ Pitadi Jesu indinġ niņġuk, "Hinale, kedem hinek indi maanġ iņonġ hakam, ale yoholaņ lufomkulitniņ manim, noli dutok, noli Mosesdok aņanġ noli Ilaijadok." ⁶Pita adi yabuņa munta tiņa mede mu nadidakaleenġ hogok yofit tuguk.

⁷Unduņ tiņa yatune mulukwanġdi buņa yehitumulune yali nadilune mulukwanġ gineņ mede niņ indinġ mintaune nadigiņ, "Yadi na'walaņ Mihine hinek, welenedi kahilelat. Ale hidi adi'walaņ medeņiņ nadimiyaneenġ." ⁸Unduņ yobu udaneenġ nebek noli uņonġ nemu kagiņ, Jesu ne hogok yalune kagiņ.

⁹Unduņ tiņa kweboboe bikabuņa foņila foņila Jesudi indinġ yeniheņa yeniņġuk, "Hidi nemek uņġoniņ hinek kaņit i nebek nemu nimbihila hatibune Me Kobumuņ adi kumuņ gineniņ kotigonġ kaikaanġ pilalaak."

¹⁰Unduņ yenimbu medeņiņ tagimneenġ nehi hogok uņġonġ yonadiņa yogiņ, "Kumuņ gineniņ pilalaak u mebi dedinġ hinek?" ¹¹Unduņ yoņa Jesu ninadigiņ, "Maņġonġde Yodoko Mede hinale hekidi Ilaija adi timenġ baak yoiņ?"

¹²Yonadiune yeninguk, “Ilaija adi biyagon timen buja nemenemek tiulidokowaak. Ingon Yodoko Mededi indin maan yolak, Me Kobumun adi medenin mu nadin, folofigita kisan hinek mineen. ¹³Ingon indin hanimbe nadinen. Ilaija adi agan buguk ingon Yodoko Mededi yolak undu, metamdi nemek nehi nadinadi hogok takalija kaka timingin.”

Jesu mihiniyedi yabap kelekutdok kwanaimin tigin

(Matiyu 17:14-21; Luk 9:37-43)

¹⁴Jesu tija mihiniye adi fosuwaan bulune metam feedi buja bopneen yali yabulune Yodoko Mede hinale heki adi Jesu mihiniye noli dut siwe yatigin. ¹⁵Siwe tulune Jesu tija mihiniye fosuwaune metam Jesu kan sukuleen kiyane woon kagin. ¹⁶Kan Jesudi mihiniye yeninguk, “Hidi adut siwe mangonde tigin?”

¹⁷Undu yeninadiguk kan me nin di ninguk, “Hinale, nu mihine yabapnit mede mu yolak doktina nagi bulat. ¹⁸Yabap fomilaknen nai unanin kwetfolon man, manin faik tija, manin sikilitina, foloon kohondakut tilak. Undu doktina mihigeyedi yabap kelekutnen yeninat kan ninkelekulinin ingon mu labu bu-ujan.”

¹⁹Undu yobune Jesudi indin yenintoguk, “Hidige, detina nadisukilitihik kyanin kabe! Nai dedigon hidut hatina hanimbe nadisukilitineen? Mihi u nagila ingon but!”

²⁰Yenimbu mihi u nagi woon Jesu mingin. Nagi wo mimbune yabapdi Jesu kan mihi u tukulune maan kwetfolon hali kumungweheye tija manin faik tija tuguk,

²¹Kan Jesudi beu ninadiguk, “Nai denin hinek i tububihila tuguk?”

Ninadiguk kan beudi yoguk, “Koom kyaninenin tugukdi titabulak. ²²Yabapdi nai fee hinek nagila tubukumunbe ime ginen be kudup ginen kulabulak. Du saninenge tuwot hakamulak nadikan fiit inditok bulanin gon nadin nihitubu-lodawen.”

²³Undu ninguk kan Jesudi ninguk, “Mangonde saninin nedok naninadila? Me nadisukilitihinit adi nemenemek nehi kedem tineen.”

²⁴Nimbune yoguk, “Nadisukiliti tilat ingon wapum mon doktina nehitudu-lodaune wapumgon bediwek.”

²⁵Undu yayolu metam buja yehitumut tigin, doktina Jesudi yabap hogoli indin ninguk, “Yabap kaulen, mede mu yolan, du mihi i welen maanenin labu maan kotigon mu bu fomimbaan. Mon hinek ganilat.”

²⁶Undu nimbu yabap adi yakawe ton mihi u tukulune maan kumungweheye tija halune labu bu uguk. Kan mihi u kwetfolon maan daban wele hakuk, kan metam adi agan kumun hatak yogin. ²⁷Ingon Jesudi kohon folon honeen tubupilalu kolon yakuk.

²⁸Undu tija Jesu adi yot maanen foguk, fon nehi hogok hali mihiniyedi indin ninadigin, “Indi dedin doktina yabap hogoli u ninkelekutdok kwanaimin tumun?”

²⁹Niŋgin kaŋ Jesudibo yeninguk, “Yabap undihi yehikelektudok talik noli nemoŋ. Talik kubugoŋ adi indiŋ: [Nanaŋe kameheŋa]^e ninadi kwanai tiŋa kedem yehikelektudok.”

Jesu kumuŋŋidok kotigoŋ yeninguk

(Matiyu 17:22-23; Luk 9:43-45)

³⁰Jesu mihiŋiye dut kwet u bikabuŋa wooŋ Galili kwet lekiŋgoŋneŋ uŋoŋ ugiŋ. Uŋoŋ wooŋ hatibune nebek niŋdi uŋoŋ hatak u mu nadineŋ yoŋa tuguk. ³¹Unduŋ tiŋa nehi hogok hatiŋila mihiŋiye yeniyehitubudidime kwanai tiŋa indiŋ yeniluguk. “Me Kobumuŋ adi kwetfoloŋ me’walaŋ kohohik foloŋ kameune ulukumuneŋ kaŋ helebufa lufomkulitniŋ dapmaune kotigoŋ pilalaak.” ³²Adi unduŋ yenimbune mede wendiniŋ mebi mu nadidakalegiŋ doktiŋa mede wendok ninadinim yo nadigiŋ iŋgoŋ munta tiŋa wabigiŋ.

Talitimeŋ titiŋdok mede

(Matiyu 18:1-5; Luk 9:46-48)

³³Kafanaum wosuwaan yot maaneŋ foŋ Jesudi mihiŋiye indiŋ yeninadiguk, “Talipmeŋ buŋa maŋgoŋdok yonadiŋit?” ³⁴Unduŋ yeninadiguk kaŋ mihiŋiye adi talipmeŋ buŋila neeŋdi lekiŋgoŋhik gineŋ loloŋnit hinek tilak yoŋa yonaditabugiŋ doktiŋa meka tiŋa kabup ikiŋ. ³⁵Kaŋ Jesu adi kwetfoloŋ foilaŋa yenimbu buŋa bopneŋ ilune yeninguk, “Nebek niŋdi talitimeŋ tibe nadiŋa netok nadiune fofoŋnit tubune me noli tipilapilaye tiyemuluwaak.”

³⁶Unduŋ yeniŋa wapmihi-kabe niŋ nagila lekiŋgoŋhik foloŋ kameu yalune toboŋa yeninguk, ³⁷“Nebek niŋdi nutok tiŋa wapmihi indiniŋ momooŋ timiluwaak adi nu maŋ momooŋ tinamuluwaak, eŋ nebek niŋdi nu momooŋ tinamuluwaak adi nu hogok mu tinamuluwaak, me napmeune fogut adi maŋ timiluwaak.”

Nebek niŋ mik mu tinimilak adi yadi indi’walaŋ notnik

(Matiyu 10:42; Luk 9:49-50)

³⁸Jondi Jesu indiŋ niŋguk, “Hinale, indi me niŋ du wohoge gineŋ yoŋa yabap yehikeleune kamun, iŋgoŋ adi indut tomboyoula du wanaŋ mu gehekeleyaulak doktiŋa moŋ nihemun.”

³⁹Unduŋ yobune Jesudibo indiŋ niŋguk, “Moŋ, u nihep mu titiŋdok. Nebek niŋdi nu wotnene yoŋa kudi tibaak adi naniŋkadaka mu tibaak. ⁴⁰Nebek niŋ mik mu tinimilak adi yadi indi’walaŋ notnik. ⁴¹Biyagoŋ hinek hanilat. Nebek niŋ nu’walahi hiditok ‘Wapum’walaŋ kwanai-

^e 9:29 Nanaŋe kamehep diniŋ mede u Gilik pepa noli gineŋ mu youkiŋ doktiŋa gimbaŋaŋ gineŋ youkumun.

metam' yonja ime-kabe hogok gihambaak silonj undiniņ wojadi tuwanjıt mokit mu halaak.”

Kadakanij mu titiņdok diniņ mede

(*Matiyu 18:6-9; Luk 17:1-2*)

42 “Nebek niņdi wapmihi kuyahi-kabe nadisukilitinamiij u yehitubu-gweheyeune kadakanij tineej adi me u kawade bigim malabumuņdi kodi folonj tehikapmaan imenġwanj ginej tapmetukulune foonj kumuņ tubune tuwot tibek. 43-44 Unduņ doktiņa kohogedi kadakanij tubune kaņ kohoge u udokokut tiluwaanj. Unduņ tiņa Hatihati Kobuli ginej kohoge fukuņġonj hogok kedem waanj. Eņ unduņ mu tiņa kohoge lufomniķonj hatibaanj adi kwet kadakanij kudup kumuņkumuņnit mokit ha-dalakneņ uņonj fowaanj.^f 45-46 Be kayogedi kadakanij tubune kaņ kayoge u udokokut tiluwaanj. Unduņ tiņa Hatihati Kobuli ginej kayoge fukuņġonj hogok kedem waanj. Eņ kayoge lufomniķonj hatibaanj adi kwet kadakanij ginej foonj kudupdok gigit tibaanj. 47 Be daugedi kadakanij ginej ganagilune kaņ kubuġonniņ kidila tukukut tiluwaanj. Unduņ tiņa Bepaņ'walaņ Hatihati Uņġoniņ kedem wo kawaanj. Eņ dauge lufomniķonj hatibaanj adi kwet kadakanij ginej foonj kudupdok gigit tibaanj. 48 Uņonj founē binem hehisineej u kumuņ mu tineej, be kudup fafaņej hehidawaak u kumuņ mu tibaak. 49 Me hogohogok kudupdi feleņ wele mintayembaak. 50 Feleņ adi kobaņ iņġonj kobaņiņ dapmaune kotigonj koba mu tilak. Wendok tuwot hidi maanj feleņ kobaņ dabuġonj mintaanj menot momoonj tiņa kulemanġonj hatiyaneej.”

Kikabi diniņ mede

(*Matiyu 19:1-12; Luk 16:18*)

10 1 Unduņ tiņa Jesu adi kwet u biņa Jodan ime meņeņja Judiya kwetneņ loguk. Loune metam fee mumuyenġonj bugiņ kaņ feņ tuluguk unduņ Mede Momoonj yeniņġuk. 2 Kaņ Falisi noli adi buņa detiņa honeej uutdok yo indij ninadigiņ, “Yodoko Medenikdi tam kedembe kelekutdok yolak be dedij? U ninimbu nadinim.”

3 Unduņ ninadigiņ kaņ Jesudibo yeninadiguk, “Mosesdi Yodoko Mede dedij haniņġuk?”

4 Yeniņġuk kaņ yogiņ, “Moses adi tam bibiņdok yofafaņe mede pepa folonj youlaņa tam kedem bikabudok niniņġuk.”

5 Unduņ niņġiņ kaņ yeniņġuk, “Hidi welehiķ fafaņehi tiņa mede nadinadi mu tiij doktiņa Mosesdi Yodoko Mede u youkuk. 6 Bepaņ adi

^f 9:43-44 eeņ 9:46 Nadinadi me nolidi mede diki nimaanj yowo yendok mu tomboyoula youkiņ kaņ hatak nadiiņ adi indij. “Uņonj founē binemdi hehisineej u kumuņ mu tineej be kudup fafaņej hehidawaak u kumuņ mu tineej.” Yowo 48 ginej kedem kawenj.

nemenemek yehitubu-mintanja me tiŋa tam wanaŋ yehitubu-mintaguk. 7Unduŋ doktiŋa me niŋ adi mimbeu biyabuŋa tamŋiŋ'walaŋkade wooŋ galiŋa adi welehiŋ be sigihikdi kubugoŋ mintaaŋ hatidemeek. 8Unduŋ doktiŋa adi molomolom mu tamuk. Adi agaŋ kubugoŋ mintaaŋ hatiyamuk. 9Bepaŋdi yehikiukuk doktiŋa meeniŋdi tuwot mu yehidanedok.”

10Unduŋ yeniŋa yopmaŋ wooŋ mihiniyedibo mede wondok ninadigiŋ 11kaŋ yeniŋguk, “Me niŋ adi tamŋiŋ kelekula tam gitipmuŋ nagilaak adi yofolokhik fafaŋeŋ u ulopmadiwaak doktiŋa keffile diniŋ malabumuŋ hekiwaak. 12Kaŋ tamdi yohoi kelekula me gitipmuŋ nagilaak adi maŋ undugoŋ keffile diniŋ malabumuŋ hekiwaak.”

Jesudi wapmihi kahaŋ tiyemguk
(*Matiyu 19:13-15; Luk 18:15-17*)

13Metam noli adi wapmihihie Jesudi kohoŋ kihik foloŋ kamewek yoŋa yanagila bugiŋ, kaŋ Jesu mihiniye adi yenihep tigiŋ. 14Unduŋ tigiŋ kaŋ Jesudi u kaune tuwot mu tubune mihiniye indiŋ yeniŋguk, “Wapmihi biyabune nu'walaŋkade buneŋ. Kamehep mu tiyemineŋ. Bepaŋ'walaŋ hebeŋ foloŋ Hatihati Uŋgoniŋ hatak u yadi wapmihi undihidegoŋ. 15Biyagoŋ hinek hanilat. Nebek niŋ adi wapmihi-kabe dabugoŋ tiŋa Bepaŋ'walaŋ Hatihati Uŋgoniŋ mu kahilewaak adi yadi uŋoŋ mu fowaak.” 16Unduŋ yoŋa yehibopneeŋ noli yehitobo tiŋa kohoŋ mebihik foloŋ kameeŋ kahaŋ tiyemguk.

Me bomboŋnit niŋdi Jesu kelewe yoguk
(*Matiyu 19:16-30; Luk 18:18-30*)

17Jesu kotigoŋ we tubune me niŋdi kiyane labuŋa mulelem timiŋa indiŋ ninadiguk “Hinale momooŋ, nu maŋgoŋ tiŋa hatihati dapmandapmaŋnit mokit kahilewaat?”

18Unduŋ ninadiune Jesudibo indiŋ niŋguk, “Maŋgoŋde nu momooŋ nanilaŋ? Nebek niŋdi momooŋ nemu hatilak, Bepaŋdi hogok hatilak. 19Yodoko Mede i agaŋ nadilaŋ. Du me widihikumuoŋ mu tuluwaaŋ, hekimalam hidi keffile mu taneŋ, du kubo mu tuluwaaŋ, du menolidok yalaŋ mu yeniluwaaŋ, du maŋge baha'walaŋ mede tiloloŋ tuluwaaŋ.”

20Unduŋ yobune me wendibo niŋguk, “Hinale, nu koom kuyanineŋgoŋ Yodoko Mede u hogohogok agaŋ tagimneeŋ tugutdi titabulat.”

21Unduŋ nimbune Jesudi kaŋ aditok nadimiŋa niŋguk, “Nemek kubugoŋ nimaŋ titiŋdok hatak woŋ adi indiŋ. Bomboŋge hogohogok tuwadok boiune tuwaune muneŋ u metam fiyewakahidok yembeŋ. Unduŋ tibeŋ kaŋ nemenemek momohi kunum gineŋ uŋgoŋ boigambu itneeŋ. Ale unduŋ tiŋa buŋa nu nehikeleweŋ.” 22Unduŋ nimbune me u muneŋ bomboŋ wapum hinek halimiŋguk doktiŋa mede u nadiŋa welemulap tiŋa uguk.

²³ Me u uune Jesudi udaneen mihiniye indin yeninguk “Me muneen bombonhinitdi Bepan’walañ heben gineñ Hatihati Ungonin u kahiledok kwanaimin tiin.” ²⁴ Mihiniye adi u nadiña boho tigin, kañ tomboyola indin yeninguk, “Wapmihineye, Bepan’walañ Hatihati Ungonin kahiledok adi kwanaimin. ²⁵ Kale kamel^s adi bunj ginaneñ fofondok kwanaimin tuwot mu tibek, ingon me muneen bombonhinit adi Hatihati Ungonin kahiledok kwanaimin wapumgon hinek tineen.”

²⁶ Mihiniye adi mede u nadiña boho kisañ tiña neñdi kadem kahilewaak yonã nehi ungon kiyonadi tigin. ²⁷ Kañ Jesudi yabuhohone tiña yeninguk, “U meeniñdi titindok tuwot mon, ingon Bepan’walañkade adi nemek u be u titindok adi kwanaimin mu tilak.”

²⁸ Undun yeningguk kañ Pitadibo indin yoguk, “I kawen, indi nemenemek hogohogok biyabudapmaan du gehikeleyam.”

²⁹ Undun nimbune yeninguk, “Biyagon hinek hanimbit. Nebek nin adi nutok be Mede Momoon doktiña yoli, be dali-kwayaniye, be miñbeu, be wapmihi-tam, be dininañin biyabuña baak ³⁰ adi yot, be dali-kwayan, be wiwiye, be miñbeu, be wapmihi-tam, be dininañindok banin mu tuluwaak. Bepandi fee hinek miluwaak. En Mede Momoon doktiña kwadi kaneen adi kougon hatihati dapmandapmanit mokit kahileneen. ³¹ Ingon nai indinde lolonhinit hatiin feedi kougon fofonhinit hatineen. Kañ fofonhinit hatiin feedi kougon lolonhinit hatineen.”

Jesu kumunñindok yenimbu nai lufomkultinñ tuguk

(Matiyu 20:17-19; Luk 18:31-34)

³² Jesu adi mihiniye dut Jelusalemde lone login. Ne timen uune mihiniye adi boho tiña mindañ keletalogin. Kañ metam adi munta tiña mindañ yehikelegin. Kañ Jesudi kotigon mihiniye nehi hogok yanagi wooñ nemek mintawaak wondok indin yeninguk. ³³ “Nadiñ be, ya agañ Jelusalemde loyam. Unon Me Kobumun bolik timimbune me Silonyot dinin talitimen tiña Yodoko Mede hinale heki’walañ kohohik folon lowaak. Loune kumundok nindapmaan Loma me heki’walañ kohohik folon kameneen, ³⁴ kañ nimpekit tiña maluluk suwambali kiyegelepdì utubukadakaan ulukumuneen. Kañ helebufa lufomkultinñ hali kotigon kaikaan pilalaak.”

Jems dut Jondi me lolonhinit titindok yogumuk

(Matiyu 20:20-28)

³⁵ Undun yeninguk kañ Sebedi mihiniyat, Jems dut Jon adi wooñ indin ningumuk, “Hinale, indi nemek nin tinimdok nadiyamut.”

³⁶ Undun ningumuk kañ Jesudibo yeninadiguk, “Mangon tihamdok nadiña yonadiyamuk.”

^s 10:25 Kamel adi kale wapum, makau dabugon.

³⁷Kaŋ yogumuk, “Hatihati kobuli hauta wapumnit gineŋ looŋ popge uŋgoniŋ foloŋ ila indi ninigila noli kohoge didimeniŋneŋkade eŋ noli kohoge kapmadineŋkade nipmeune itemeet.”

³⁸Unduŋ niŋgumuk kaŋ Jesudibo yeniŋguk, “Hidi nemek u mebi mu nadidakaleeŋ hogok yofit tamuk. Hidi nu ime buukaŋ nawaat u kedembe nademeek? Tiŋa Imeyout tinamneeŋ u hidi maŋ kedembe youhamneeŋ?”

³⁹Kaŋ adibo yogumuk, “Eeŋ, indi kedem tidemeet.”

Unduŋ yobu Jesudi yeniŋguk, “Biyagoŋ hinek, nu ime buukaŋ nawaatneŋ u hidi kedem nademeek, tiŋa Imeyout tinamneeŋ u hidi maŋ youhamneeŋ, ⁴⁰iŋgoŋ hidi’walaaniŋ nediyeŋ nu kohone didimeniŋneŋkade eŋ kohone kapmadineŋkade iitdok u nu tuwot mu hanindapmawit. Woŋ adi Bepaŋ ne meeniŋ yabukahileeŋ gigit uyemguk adi hogok kahileneeŋ.”

⁴¹Kaŋ mihiŋiye noli adi mede u nadiŋa meyatdok nadikadaka tiyemgiŋ ⁴²kaŋ Jesudi yenimbune buŋa bopneune indiŋ yeniŋguk, “Me nadisukilitihinit mokitdi mapme ila metam nadiyembu founa tipilapilaye kwanai titiŋdok yeniŋgigine tiŋ. Kaŋ me loloŋhinit adi me fofonhinit yehitiŋafooŋ me bombonŋi tiŋ, hidi a nadiŋ. ⁴³Iŋgoŋ hidi adi unduŋ mu tiyaneŋ. Hidi’walaaniŋ nediyeŋ loloŋnit tibe nadiŋa kaŋ noli hogohogok hidi’walaŋ lekiŋgoŋhik gineŋ me fofonnit hatiŋa tipilapilaye kwanai tuluwaak. ⁴⁴Eŋ niŋdi talitimeŋ tibe nadiŋa kaŋ noliŋiye’walaŋ tipilapilaye-me hatiluwaak. ⁴⁵Unduŋ doktiŋa Me Kobumuŋ adi kwetfoloŋ iŋoŋ tipilapilaye timindok mu foguk, adi tobo metamdok tipilapilaye tiyemiŋa hatihatiŋiŋdi yehituwawe foguk.”

Jesudi Batimaio dausipmik tubukedebaguk

(Matiyu 20:29-34; Luk 18:35-43)

⁴⁶Jesu tiŋa mihiŋiye adi wooŋ Jeliko yokwetneŋ wosuwaŋiŋ. Ala Jesu adi mihiŋiye gut yokwet u bikabuŋa ulune metam bop wapumdi noŋgoŋ ugiŋ. Kaŋ Timaiyo mihiŋiŋ Batimaio adi dawi sipmakaŋ doktiŋa buŋa talipmeŋ ila nayo tuluguk. ⁴⁷Adi Jesu Nasaletniŋ bulak u nadiŋa indiŋ kutiguk, “Jesu, Dewit’walaŋ yalaki, nutok bulaniŋgoŋ nadiweŋ.”

⁴⁸Unduŋ kutiguk kaŋ metam nolidi nintoŋa kabup iitdok nihep tigiŋ. Iŋgoŋ adi tobo gigne tiŋa wapumgoŋ hinek kutiguk, “Dewit’walaŋ yalaki, nutok bulaniŋgoŋ nadiweŋ.”

⁴⁹Unduŋ kutiguk kaŋ Jesu uŋgoŋ yali metam yeniŋguk, “Nimbune iŋgoŋ bek.”

Yeniŋguk kaŋ me dausipmik u indiŋ kutiniŋgiŋ, “Jesu ‘beŋ’ ganilak ale nadifo tiŋa pilali beŋ.” ⁵⁰Unduŋ kutinimbune dahidahiniŋ uŋgoŋ kwihikameŋ pilali tatakula buguk.

⁵¹Bune Jesudi ninadiguk, “Nu maŋgoŋ tigambit yoŋa kutinaniŋa?”

Unduŋ ninadiguk kaŋ me dausipmikdibo niŋguk, “Hinale, nu dau diwediwe tibe nadilat.”

⁵²Unduŋ yobune Jesudi niŋguk, “Nadisukilitigedi gehitubu-kedebalak ale weŋ.” Unduŋ nilune nai uŋaniŋgoŋ dawi tombune diwedakaleeŋ Jesu keletauguk.

Jesudi doŋki foloŋ Jelusalem yokwet maaneŋ foguk

(Matiyu 21:1-11; Luk 19:28-40; Jon 12:12-19)

11 ¹Jesu eŋ mihiniye adi Jelusalem tubudulaŋila Oliwa Tuwai foloŋ Betefage dut Betani yokwet ikamukneŋ wosuwaŋiŋ. Uŋoŋ wosuwaŋ Jesudi mihiniyat lufom mede indiŋ yeniŋa yeniŋkulu timeŋ ugumuk. ²“Yokwet gu hatakneŋ uŋoŋ wooŋ doŋki mihiniŋ niŋ tehiniŋ yalek kademek. Adi foloŋ nebek nemu lo ila yaugiŋ u fiyali nagi iŋgoŋ budemek. ³Kaŋ nebek niŋdi u maŋgoŋde tamuk haninadiune kaŋ indiŋ nindemek, ‘Wapumdi yolak doktiŋa nagiwooŋ kotigoŋ nagi budim.’”

⁴Unduŋ yenimbune wooŋ yokwet maaneŋ fooŋ doŋki mihiniŋ talik uŋambuŋat tiŋneŋ talik gagayeŋ yot yeyemeŋ tehigiŋ, u lokaŋ ⁵yafiyatu me noli yamaŋgoŋ yakiniŋ adi yabuŋa yeninadigiŋ, “Maŋgoŋde fiyakamuk?” ⁶Unduŋ yonadigiŋ kaŋ adi Jesudi mede yoguk undugoŋ hinek yenimbu nadiyemgiŋ.

⁷Kaŋ fiyali nagila wooŋ Jesu eŋ mihiniye noli hakiŋneŋ wosuwaŋ dahidahi wahiniŋhik kwihiniŋ moŋgola doŋki sigiŋ foloŋ iune Jesu looŋ ikuk. ⁸Metam noliyeŋ dahidahi wahiniŋhik kwihiniŋ moŋgola talik foloŋ gulup itaugiŋ, noliyeŋ bem taŋeniŋ hapmuŋhinit fidoko moŋgo talipmeŋ boituwat tigiŋ.

⁹Kaŋ metam bop wapumdi timeŋ mindaŋ tiŋa indiŋ kutiŋa kakaligiŋ, “Nintilonim! Me i Wapum wou gineŋ bulak, Bepaŋdi kahaŋ timimbek! ¹⁰Betnik Dewit’walaŋ Hatihati Kobuli bulak i Bepaŋdi kahaŋ timimbek! Bepaŋ kunum gineŋ nintilonim!” ¹¹Unduŋ toŋa wooŋ Jelusalem wosuwaŋ Jesu Siloŋyotneŋ fooŋ nemenemek uŋoŋ yabudapmau bufaguk kaŋ fowoŋoŋ mihiniye dut Betanide ugiŋ.

Bem fik adi Jesu maŋiŋ mede keleŋ kumuŋguk

(Matiyu 21:18-19)

¹²Heleune haniŋ Betani bikabuŋa uŋila talipmeŋ Jesu map nadiguk. ¹³Ala kweetniŋ yali bem fik niŋ hapmuŋ kaŋ nadiŋa folooŋnit be yo uguk, yamaŋgoŋ wooŋ kaguk iŋgoŋ naiŋiŋ moŋ doktiŋa hapmuŋ hogok yabuguk. ¹⁴Undiniŋ kaŋ Jesudi indiŋ niŋguk, “Nebek niŋdi du’walaaniŋ nanaŋe kotigoŋ nemu nawaak.” Unduŋ nimbune mihiniyedi mede u nadigiŋ.

Jesudi Siloŋyot gineŋ figifiŋ mu titiŋdok yoguk

(Matiyu 21:12-17; Luk 19:45-48; Jon 2:13-22)

¹⁵Jelusalem wosuwaŋ, Jesu Siloŋyot diniŋ hamuhe gineŋ fooŋ muneŋ bombon kibikibi hatigiŋ u yehikelepupuheneŋ muneŋ falik

ej butigili tuwadok boiŋa ikiŋ kumopophik udakuyemguk. ¹⁶Unduŋ tiyemiŋa metam Siloŋyotneŋ uŋoŋ bombonŋ moŋgo uuŋdok kamehep tiyemguk.

¹⁷Unduŋ tiŋa yeniŋguk, “Youkudip gineŋ Bepaŋ’walaŋ mede indiŋ hatak, ‘Nu yotne u yadi metam kwetkwet hatiŋ heki’walaŋ ninadi yot unduŋ yoneeŋ.’ Iŋgoŋ hidi unduŋ tubune kubome heki’walaŋ hebihathik kwet dabugoŋ tilak!”

¹⁸Unduŋ tubune metam adi Jesu medeŋiŋ nadiune uŋgoniŋ hinek tuguk, doktiŋa Siloŋyot diniŋ talitimeŋ wapuhi ej Yodoko Mede hinale hekidi Jesu kaŋ munta tiŋa dedeŋ hinek tiŋa ulukumunim yoŋa kiyonadi tigiŋ. ¹⁹Unduŋ doktiŋa tebeledalune Jesu adi mihinjiyedut yokwet wapum u bikabuŋa ugiŋ.

Nadisukiliti folooŋ tiŋa Bepaŋ ninadidok
(*Matiyu 21:20-22*)

²⁰Haniŋ timiŋ pilali ugiŋ. Talipmeŋ wooŋ bem fik sigeneeŋ kumuŋa yakuk. ²¹Kaŋ Pita adi Jesudi mede yoguk u naditomuŋa niŋguk, “Hinale, i kalaŋ, du bem i niheguŋ kaŋ agaŋ sigeneeŋ yatak.”

²²Unduŋ niŋguk kaŋ adibo yeniŋguk, ²³“Nu biyagoŋ hinek hanimbit. Hidi welelufom mu tiŋa Bepaŋ nadisukiliti-mihinakaŋ kweboboe i kweli bikabuŋa tatakula imeŋgwaŋ gineŋ fofondok nimbune kedem tibek.

²⁴Unduŋ doktiŋa indiŋ hanimbit. Hidi Bepaŋ nemek niŋdok ninadiŋa kaŋ agaŋ nimbek hinek u nadisukilitiŋa niyaneeŋ wondok hamuluwaak.

²⁵Ale ninadi tine kaŋ me noli’walaŋ kadakaniŋ bimiŋa Behik kunum gineŋ ninadiune hidi’walaŋ kadakanihik kedem bihamuluwaak. ²⁶[Eŋ hidi me noli’walaŋ kadakanihik mu biyembune Behik kunumneŋiŋ adi maŋ undugoŋ hidi’walaŋ kadakanihik mu bihamuluwaak.]”

Jesu’walaŋ saŋiniŋdok ninadigiŋ
(*Matiyu 21:23-27; Luk 20:1-8*)

²⁷Jelusalemde kotigoŋ udaneŋ ugiŋ. Wooŋ Jesu Siloŋyot diniŋ hamuhe gineŋ founa Siloŋyot diniŋ talitimeŋ wapuhi, ej Yodoko Mede hinale ej me wapuhi adi wooŋ indiŋ ninadigiŋ, ²⁸“Du nediyeŋdi kwanai i titiŋdok saŋiniŋ gamuŋa ganindapmaune tilaŋ?”

²⁹Unduŋ ninadigiŋ kaŋ Jesudibo yeniŋguk, “Nubo mede-kabe kubugoŋ hinek haninadiwit, kaŋ u tubu-udaneune habuŋa nubo nediyeŋdi kwanai i titiŋdok saŋiniŋ namuŋa nanindapmaune maŋiŋ mede tagimneeŋ kwanai i tilat wendok hanimbit. ³⁰Jon Imeyout kwanai tuguk u neeŋdi nindapmaguk. Bepaŋdi be kwetfoloŋ medi nindapmagiŋ?”

³¹Unduŋ yeninadiune adi mede toboniŋ dedeŋ tubu-udanenim yoŋa nehi uŋgoŋ kiyonadi tigiŋ. “Indi Bepaŋ yonim adi indiŋ ninimbek, ‘Kaŋ hidi maŋgoŋde medeŋiŋ mu nadisukilitigiŋ?’ ³²Tiŋa undugoŋ metam

hogohogokdi Jondok polofet niij doktiņa kwetfoloņ me yonene adi dedij tinimnenej.” ³³Unduņ yonadibediņa moņ kaņ “Mu nadiyam” niingij.

Kaņ Jesudibo yeninguk, “Hidi mu yobihikiij doktiņa nu undugoņ neeņ nanindapmaune kwanai i tilat u nu maañ mu hanimbit.”

Me niņ wain fiye diniyetiņa kwet niņ uguk

(Matiyu 21:33-46; Luk 20:9-19)

12 ¹Unduņ yeniņa yoyout mede indij yeninguk, “Me niņ adi wain fiye tiņa gimbaħaņ ibikelemadi tuguk. Unduņ tiņa wain folooņ yalifilifiliyedok bom niņ dobuņa maliņ tutumbaguk. Unduņ tiņa me looņ yali fook titiņdok falik ibiguk. Unduņ tubudapmaañ wain fiyeņij me noli yenimbu kadokoune ne niņkade uguk. ²Ala hatige hatige wain agaņ folooņ moņgotdok nai tuguk kaņ aditok nenobu boineņ yoņa tipilapilayeņij niņ niņkulune buguk. ³Kaņ me wain fiye kadoko tigiņ hekidi wihitnadiņa hogok kameune udaneņ uguk. ⁴Kaņ kotigoņ niņbo nimbune buguk, u maañ honeeņ mebi foloņ ulaņa nemek mekaņmekañ timiņij. ⁵Unduņ tigiņ kaņ niņbo nimbune buguk u ulukumuņ tigiņ. Kaņ mindaņ me noli yenimbu bugiņ u noli widihiņa noli widihikumuņ tigiņ. ⁶Kaņ mindaņ hinek ne mihiniņ weleņdi kahileguk u kameu buune medeņij kede madiņa nemek momooņ timineņ yoņa nimbune buguk. ⁷Iņgoņ me wain fiye kadoko tigiņ heki adi kaņ yogiņ, ‘Adi kuyendi hatigene wain fiye i kahilewaak oņ! Unduņ doktiņa ulukumuņa wain fiye i indetok kahileneem.’ ⁸Unduņ yoņa me u ulukumuņa gimbaħaņ magineņ tukukiņ.”

⁹Unduņ yenindapmaañ indij yeninadiguk, “Unduņ tubune wain fiye molom adi dedij tibek? Wabiņa ne buņa me wain fiye kadoko tiij u widihikumuņa wain fiye u me nolidok yembek. ¹⁰Youkudip Mede i mube kunali kaiņ?

‘Yot mamaņ me hekidi taka fofooņ niņ moņ yo tukukiņ iņgoņ taka u mindaņkade taka kobumuņ mintaguk. ¹¹Wapumdi kudi u tuguk u kanene uņgoņiņ hinek tilak.’ ”

¹²Yoyout u Judahi me talitimeņ heki aditok yenilak u agaņ nadikiyondaañ Jesu honeeņ uutdok nadigiņ iņgoņ metam doktiņa nadibedi tiņa bikabuņa ugiņ.

Jesu muneņdok ninadi tigiņ

(Matiyu 22:15-22; Luk 20:19-26)

¹³Judahi me wapuhidi Falisi noli eņ Helot’walaņ me noliņiye yeniņkulu wooņ Jesu tikamanda timimbune nemek neeņ yokadakaune honeeņ mede gineņ kameņdok yoņa yeniņkulune ugiņ. ¹⁴Jesu hakukneņ wooņ niņgiņ, “Hinale, indi du’walaņ mebiga agaņ nadiyam, du mede biyagoņ hogok yolaņ. Tiņa undugoņ, du nebek niņdok munta mu tilaņ, me loloņnit be fofoņnit

wanakaŋ mede didimeningoŋ ninilar. Eŋ mede biyagoŋ gineŋ hogok metam Bepaŋ'walaŋ titiŋŋiŋ momooŋ ninindidimelaŋ. Unduŋ doktiŋa ninimbu nadinim. Indi Lomahi'walaŋ mapme Sisadok takis kameyam u du nadiune kedem be tilak be moŋ? ¹⁵Muneer u kedem kameyaneem be moŋ?"

Unduŋ yobune Jesu adi yalanjhik diniŋ mebi u agaŋ kanadiŋa indiŋ yeninguk, "Hidi maŋgoŋde naniŋkamanda tiŋŋ? Muneer neeŋ tiŋa bu nambune kawit." ¹⁶Unduŋ yenimbu muneer niŋ tiŋa bu miŋŋiŋ kaŋ yeninguk, "Welewele tiŋa kudi i nedi'walaŋ?"

Kaŋ yogiŋ, "Sisa'walaŋ."

¹⁷Kaŋ Jesudibo yeninguk, "Nemek Sisa'walaŋ u Sisadok miyaneer, eŋ Bepaŋ'walaŋ u Bepaŋdok miyaneer." Unduŋ yenimbu adi nadiŋa boho tigiŋ.

Kumuŋa pilapilatdok Jesu ninadigiŋ

(Matiyu 22:23-33; Luk 20:27-40)

¹⁸Adi ulune Sadusi hekidibo Jesu ninadine bugiŋ. Me heki u metam kumuŋa koti mu pilatneeŋ yoyagiŋ ala buŋa niŋŋiŋ, ¹⁹"Hinale, Mosesdi Yodoko Mede indiŋ youtniŋguk, 'Me niŋ adi tam tiŋa wapmihi nemu yehitubu-mintaŋ kumumbune kaŋ me wendiniŋ kwayaŋdibo tam kahat uŋakoŋ nagila wapmihi me kumuŋ tugukdok yehitubu-mintamiluwaak.'

²⁰"Indi'walahi hekidalit 7 hatigiŋ ala Tuwodi tam niŋ nagikuk. Nagila wapmihi nemu yehitubu-mintaŋ kumuŋguk. ²¹Kaŋ Monedibo tam kahat uŋakoŋ nagikuk, iŋgoŋ wapmihi nemu mintaune kumuŋguk. Kaŋ Gikdibo tam uŋakoŋ nagila undugoŋ tuguk. ²²Unduŋ hogok titawooŋ kwayahik dikineŋdi nagila kumumbune tam u maŋ hogok hatiŋa kumuŋguk. ²³Me hekidalit 7 adi tam kubugoŋ uŋakoŋ nagikiŋ ala kougoŋ nai wapum foloŋ pilatneeneŋ tam u neditok tibaak?"

²⁴Unduŋ ninadigiŋ kaŋ Jesudi yeninguk, "Hidi Yodoko Mede be Bepaŋ'walaŋ saŋiniŋ mu kanadidakaleeŋ mede yogiyondafit tiŋŋ. ²⁵Indiŋ nadineŋ, kougoŋ nai wapum foloŋ pilali metamdi hekimalam mu tineeŋ. Adi kunum foloŋ aŋelo hatiŋŋ undihi mintaŋ hogok hatineeŋ.

²⁶"Tiŋa hidi kumuŋa pilapilatdok maŋ yoiŋ doktiŋa indiŋ hanimbe nadineŋ. Moses'walaŋ pepa gineŋ kahat niŋ bem daguk wondiniŋ hatak u hidi mu binek kunali nadidakaleiŋ. Uŋoŋ indiŋ youkiŋ, 'Bepaŋdi Moses indiŋ niŋguk, "Nu Abalaham eŋ Aisak tiŋa Jekop heki'walaŋ Bepaŋ.'" "

²⁷Adi yadi kumuhi'walaŋ Bepaŋ moŋ. Adi yadi kaipmuhi'walaŋ Bepaŋ. Unduŋ doktiŋa hidi mede yotubugiyonda kisaŋ hinek tiŋŋ."

Jesu Yodoko Mede wapum be loloŋnitdok ninadigiŋ

(Matiyu 22:34-40)

²⁸Unduŋ yenimbune Yodoko Mede hinale niŋ adi Jesudi Sadusi heki mede momooŋ hinek tubu-udaneyemguk kaŋ nadiŋa adibo buŋa indiŋ ninadiguk, "Yodoko Mede deŋdi noli yalakapmeeŋ timeŋ hinek tilak."

²⁹Unduŋ ninadiguk kaŋ Jesudi niŋguk, “Yodoko Mede timentimeŋ hinek adi yendi tilak: ‘Silaeahi, hidi nadineŋ. Wapum ne kubugoŋ adi Bepaŋnik. ³⁰Unduŋ doktiŋa du Wapum Bepaŋge welege be munabulige be nadinadige be saŋniŋgedi aditok hogok mindapmaluwaan.’ ³¹‘Eŋ datok nadilaŋ undugoŋ hinek metam nolidok nadiyemuлууaan.’ Yodoko Mede lufom yendi wapuhi be loloŋnit hinek tamuk.”

³²Unduŋ nimbu Yodoko Mede hinaledi yoguk, “Kedem hinek, hinale, du yolaŋ u biyagoŋ. Wapum ne kubugoŋ adi biyagoŋ Bepaŋnik, adi undiniŋ nimaanŋoŋ nemu hatilak. ³³Unduŋ doktiŋa metam adi welehik be nadinadihik be saŋniŋhik u aditok hogok mindapmayaneŋ, tiŋa nehitoŋ nadiiŋ undugoŋ metam nolidok nadiyemaneŋ, Yodoko Mede lufom yendi yom bibiŋdok hemundumunduŋe mebimebi u yalakapmeyamuk.”

³⁴Jesudi medeŋiŋ nadiune utumbau niŋguk, “Du Bepaŋ’walaŋ hatihati kobut agaŋ tubudula hinek tilaŋ.” Mede u yodapmaune munta tiŋa kotigoŋ nebek niŋdi yonadi nemu tigiŋ.

Jesudi Kilistodok yeninadiguk
(*Matiyu 22:41-46; Luk 20:41-44*)

³⁵Jesu Siloŋyotneŋ Mede Momooŋ yeniŋa yonadi niŋ indiiŋ tuguk, “Yodoko Mede hinaledi heki adi maŋgoŋde indiiŋ yoiŋ, Kilisto adi Dewit’walaŋ yalakiŋiŋ? ³⁶Uŋgoŋiŋ Munabulidi Dewit indiiŋ nimbune yoguk, ‘Wapumdi nu’walaŋ Wapumne indiiŋ niŋguk, Du kohone didimeŋiŋneŋkade itune memikgeye kayoge falipmeŋ yapmewaŋat.’ ³⁷Dewit adi ‘Wapumne’ niŋguk kaŋ dediiŋ tiŋa Kilisto adi Dewit yalakiŋiŋ tilak?”

Yodoko Mede hinaledi hekidok yoguk
(*Matiyu 23:1-36; Luk 11:37-54; 20:45-47*)

Unduŋ yobu metam nadifo foloŋ ila nadigiŋ. ³⁸Mede yeniŋa indiiŋ yeniŋguk, “Yodoko Mede hinaledi heki hatiŋneŋ doktiŋa nadinadiŋila hatiyaneeŋ. Adi yadi tinahukut kweheyehi tiŋa yowawaliweŋ uune metamdi momooŋ tiyemiŋa yeniutumba titiŋdok nadiiŋ, ³⁹tiŋa hinamuni nai gineŋ be bopyotneŋ me wohiyenit’walaŋ pop foloŋ iitdok nadiiŋ. ⁴⁰Adi tam kahat heki yohineŋ wooŋ yalaŋ yeniŋa kubo tiyemiŋdigon metam dauhik gineŋ Bepaŋ niutumba nai kweheyeniŋ hati tiŋi. Me heki undihi adi hatigene kougoŋ kibikoŋ malabumuŋ hekiŋeeŋ.”

Tam kahat niŋ muneŋeŋiŋ Siloŋyotneŋ boidapmaguk
(*Luk 21:1-4*)

⁴¹Jesu Siloŋyotneŋ foŋiŋ siloŋ boiboi tagiŋneŋ gagayeŋ ila yabune metam buŋa muneŋ boigiŋ. Me muneŋhinit adi buŋa wapumgoŋ-kabe

boigij ⁴²kaŋ tam kahat fiywakaŋ niŋ adi buŋa muneenŋ gimih i lufom hogok boiguk. ⁴³⁻⁴⁴U kaŋ mihiniye yenimbune buŋa bopneune yeninguk, “Biyagoŋ hinek hanilat, metam hogohogok noli muneenŋhik boiŋit iŋgoŋ dumuŋhikdok uŋgoŋ hayembune boiŋit. Kaŋ tam kahat fiywakaŋ adi u-kabe boihatilak u agaŋ boidapmaŋak doktiŋa adi boiŋak wendi noli boiŋit yalakapmeŋ tiŋa wapumgoŋ hinek boiŋak.”

Jesudi kawadeyot fofohidok yoguk

(Matiyu 24:1-2; Luk 21:5-6)

13 ¹Jesu Siloŋyot biŋa folune mihiniŋ niŋdi ninguk, “Hinale, kawade yot fofohi hinek gu yabenŋ.”

²Unduŋ ninguk kaŋ Jesudibo ninguk, “Kawade yot fofohi u yabulaŋ u memik hekidi ubulagineenŋ youpupuhene-kudapmaune molomolom mapupuheneenŋ ila-uneenŋ.”

Nai wapum diniŋ mede

(Matiyu 24:3-14; Luk 17:22-24; 21:7-19)

³Jesu Oliwa Tuwai foloŋ itune Pita, Jems, Jon agaŋ Endulu nehi hogok lokaanŋ ninadigiŋ, ⁴“Nemek u nai deniŋ hinek mintawaak, ninimbune nadinim, eŋ nai dulalune timeŋ maŋgoŋ mintawaak?”

⁵Unduŋ ninadigiŋ kaŋ Jesudibo yeninguk, “Tikamanda tihamuŋa nadinadihik tubugiyondaneenŋ ala nadinadiŋila hatiyaeneŋ. ⁶Metam feedi buŋa nu wotnene foloŋ yokamanda indiiŋ tineenŋ, ‘Nu na iŋakoŋ.’ Unduŋ yoŋa metam fee yehitubu-giyondaneenŋ. ⁷Hidi mik wapum mintaune gigilitŋiŋ nadieneŋ, be mik kwet niŋkade gwaŋ mintawe tubune gigitŋiŋ hogok nadiŋa munta tiŋa heheleenŋ nadibediŋa nai agaŋ dulalak mu yoneenŋ. Nemenemek undihi mintaneenŋ iŋgoŋ nai wapum adi pilap mu mintawaak.

⁸“Kwetkwet mik mintaune kwet wapuhi be kwet kuyahi adi nehi uŋgoŋ kibikibi mindobuneenŋ. Kaŋ yokwet noli gineŋ map wapum mintawaak, eŋ kwetkwet kenim titawaak. Nemek hogohogok u mintawaak, kaŋ nai wapum diniŋ folofigita adi nai uŋaniŋ tububihila tamwoidi wapmihi yanagitne nadiiŋ undiniŋ mintawaak. ⁹Hidi hide nadinadiŋila hatineenŋ. Nutok tiŋa Mede Momoonŋ yoneenŋ kaŋ hanagila mede gineŋ hapmeneenŋ, eŋ bopyotneŋ hanagila fooŋ hehiwihitnadieneenŋ, eŋ me mapme lolonŋhinit be me wapuhi heki’walaŋ namandahik gineŋ looŋ yali Mede Momoonŋ yohautaneenŋ. ¹⁰Timeŋ Mede Momoonŋnedi kwetkwet hautadapmaune nai wapum mintawaak. ¹¹Gigitne yoyauneenŋ kaŋ hanagila mede gineŋ uneenŋ kaŋ mede dediŋ yodok wendok nadibedi mu taneenŋ. Mede yodok nai tubune Uŋgoniŋ Munabulidi hanimbune yoyaneenŋ.

¹²“Me noli nehi’walaŋ kwayahiye be dahiye bolik tiyembune widihikumuneenŋ, be behiyedi wapmihihye bolik tiyembune

widihikumuneej be wapmihidi mehim-behiye'walaŋ mede wobuŋa bolik tiyembune widihikumuneej. ¹³Tiŋa metam hogohogok nutok tiŋa hidi habukwihita tineej. Ingoŋ nemek unduŋ mintalune nebek niŋ fafaŋe tiŋa hatibaak adi Bepaŋdi tubulodaune Hatihati Kobuli kahilewaak.”

Nai kadakanij hinek

(Matiyu 24:15-28; Luk 21:20-24)

¹⁴(Nebek i kunataŋ, du kunali nadidakale hinek tibeŋ.) “Nemek kadakanij hinehinek wendi kwet mu yayatdok gineŋ yalune kaŋ metam Judiya kwetneŋ hatineej hidi momoŋ tuwai foloŋ loneej. ¹⁵Be me niŋ yot foloniŋ halaak adi fooŋ tinahukutniŋ kaliŋ yot maaneŋ mu fowaak, ¹⁶be me niŋ kade gineŋ hatibaak adi yopmande tinahukutniŋ kaliŋ mu waak. ¹⁷Hidige! Nai uŋaniŋ, tam mihiwelehinit eŋ tam eyaŋhinit adi kada, dedij tineej. ¹⁸Nemek u kadakanij hinek mintawaak doktiŋa hidi Bepaŋ ninadiune u gwi nai gineŋ hinek mu mintawaak. ¹⁹Koom tububihila Bepaŋdi kwet kunum yehitubu-mintagukneŋ nemek malabumuŋ mintagiŋ ingoŋ yendi yalakapmeŋ tiŋa mintaune mindaŋ kotigoŋ undiniŋ nemu mintawaak. ²⁰Nemek malabumuŋ u nai kweheyeniŋgoŋ mintadok ingoŋ oŋ, Wapumdi metamniye koom netok gigit yehidaneguk aditok nadiŋa nai-kabe ulatifoguk. Nai mu ulatifowe tuguk binek wa nebek nemu hatiluwek, kumuŋdapmaŋ taneŋ.

²¹“Nai uŋaniŋ nebek niŋdi ‘Kilisto inoŋ hatak,’ be ‘Kilisto gwaŋ hatak,’ hanimbune medeniŋ mu nadimineej hinek. ²²Nai uŋaniŋ Kilisto yalayaŋ eŋ polofet yalayaŋ fee mintaŋ kudi wapuhi saŋiniŋhinit titauneej. Unduŋ tiŋa Bepaŋdi metam netok gigit yoŋa yabukahileguk u nadisuhik tubugiyondadok kwanai tineej, ingoŋ adi nadisuhik tubugiyondadok saŋiniŋ mu hatak doktiŋa kwanaimiŋ tineej. ²³Nemek mintawaak hogohogok u agaŋ hanimbihitat. Unduŋ doktiŋa nadinadiŋila hatiyaŋeŋ.”

Me Kobumuŋ busuwawaak naiŋij

(Matiyu 24:29-31; Luk 21:25-28)

²⁴“Nemek malabumuŋ u mintaune yagigi mu hatiŋila meledibo mambip tibaak eŋ muyakiŋ maŋ hauta mu tibaak, ²⁵kaŋ bamholiŋa heki kunum gineniŋ kwehik biŋa diliteleeŋ maneŋ. Kaŋ kunum mahamulune nemenemek hogohogok waliwali tiŋa igiyonda tineej. ²⁶Unduŋ tineej kaŋ nai uŋaniŋ Me Kobumuŋ adi mulukwaŋ foloŋ hauta holiholiŋe tiŋa saŋiniŋ wapumnit busuwaune kaneŋ. ²⁷Busuwaŋ aŋeloŋiye yeniŋkulune kwet tububihila hali wooŋ daŋ hadapmalak wendok tuwot tuŋtuŋ fodapmaŋ metamniye yabukahileŋ yehidaneguk hogohogok u yehibopneneŋ.”

Jesudi kone foloŋ yoyout tuguk
(*Matiyu 24:32-35; Luk 21:29-33*)

²⁸“Bem kone u kaŋ nadineŋ. Hapmuŋ madapmaune hapmuŋ gitipmuŋ duhulak kaŋ meleyaŋ nai yoyam. ²⁹Undugoŋ hinek nemek u mintaune kaŋ agaŋ nihitubu-dulaaŋ yeme foloŋ yatak nadiyaneen. ³⁰Biyagoŋ hinek hanimbe nadineŋ. Metam kumuŋdapmaŋ mu tulune nemenemek i mintawaak. ³¹Kwetkunum adi liwe tidemeek iŋgoŋ nu’walaŋ medene adi tuwot mu liwewaak.”

Nebek niŋdi helebufa nai be mele nai mu nadilak
(*Matiyu 24:36-44*)

³²“Tiŋa nebek niŋdi helebufa nai be mele nai deniŋ hinek nemek i mintawaak u mu nadilak. Aŋelo heki kunum gineŋ hatiŋ adi maŋ mu nadiiŋ. Eŋ Bepaŋ mihiniŋdi maŋ undugoŋ mu nadilak. Bepaŋ ne hogok nadilak. ³³Unduŋ doktiŋa nadinadiŋila hatiyaneen, nai hinek mu nadiiŋ doktiŋa damodamo mu taneen, hautakut tiŋa hatiyaneen.

³⁴“Nemek u mintawaak adi indiniŋ. Me niŋdi yoli bikabuŋa dambek wene tipilapilayeniye kwanai molomolom daneyemiŋa me yeme kadoko tilak adi yeme momooŋgoŋ kadokowek niŋa yaulak undiniŋ. ³⁵Yot molom adi deniŋ hinek baak. Tebele bek, be timiŋ lekiŋgoŋ bek, be helehelede, be haniŋ bek, u hidi mu nadiiŋ doktiŋa nadiŋila woom tiŋa hatiyaneen. ³⁶Tigene pilap nobu busuwaŋ habune damo deihatneneŋ ala. ³⁷Unduŋ doktiŋa hidi be metam noli wanakaŋ indiiŋ hanilat, busuwabusuwa naiŋidok woom tiŋa kaipmuŋ hatiyaneŋ.”

Jesu uutdok talii lohigiŋ
(*Matiyu 26:1-5; Luk 22:1-2; Jon 11:45-53*)

14 ¹Aŋelodi Yabukiyondaŋ Yalakapmegukdok eŋ belet haguwonit mokit, sipakaŋ wondok hinaŋ titiŋdok helebufa lufomuk hatune, me Siloŋyot diniŋ talitimeŋ eŋ Yodoko Mede hinale heki adi Jesu dediiŋ tiŋa nehi hogok kabup honeen nagi wooŋ utnim yoŋa talii lohigiŋ. ²Tiŋa indiiŋ yogiŋ, “Hinamuni nai foloŋ adi mu tinim. Undineŋ adi tiyaugene metamdi mik tubupilatneneŋ.”

Tam niŋdi Jesu haguwo ime munduŋ momooŋdi yougomguk
(*Matiyu 26:6-13; Jon 12:1-8*)

³Jesu adi Betani uŋoŋ Saimon koom wede haki tuguk adi yolineŋ nanaŋe hanalune, tam niŋ adi fooŋ ime munduŋ momooŋ hinek wou “nat” yoiŋ, toutŋiŋ kawadedi tigiŋ eŋ tuwaŋiŋ adi loloŋnit hinek, u tiŋa buŋa tout maŋiŋ ugoloŋ ime u Jesu mebi foloŋ yougomguk. ⁴Kaŋ metamdi kaŋ nadikadaka tiŋa nehi uŋgoŋ indiiŋ yogiŋ. “Maŋgoŋde

ime munduŋ momooŋ hinek i tububi tilak? ⁵Ime u 1 tausen^h kinadok tuwaune muneeŋ fiyewakahi yemdok iŋgoŋ unduŋ tilak” yonja ninto kisaŋ hinek tigiŋ.

⁶Unduŋ tigiŋ kaŋ Jesudi yeniŋguk, “Bikabune tibek. Hidi maŋgoŋde tam i malabumuŋ miŋ? Adi titiŋ momooŋ tinambune kawe utumba tilak. ⁷Me fiyewakahi adi helemahelamaŋ hidut iŋgoŋ hatiyaŋeeŋ, ale nai noli foloŋ yehitubu-lodane kaŋ kedem yehitubu-lodayaŋeeŋ. Nu adi hidut yagigi mu hatibaat ⁸doktiŋa adi nemek tinamdegoŋ tiŋak. Adi ime munduŋnitdi nedegomuŋak u denimbek nehiweneneeŋdok timenŋ nehitiulidokolak. ⁹Nu biyagoŋ hinek hanilat. Kwetkwet daŋgoŋ wooŋ Mede Momooŋ yohautatauneŋ uŋoŋ tam yendi nemek momooŋ tinamuŋak wendok maŋ yohautaneŋ.”

Judadi Jesu memik kohohik foloŋ kameŋdok yoguk
(*Matiyu 26:14-16; Luk 22:3-6*)

¹⁰Unduŋ tubune Judas Kaliotniŋ, Jesu mihiŋiŋ niŋ adi noliŋiye biyabuŋa Jesu talitimeŋ heki kohohik foloŋ kameŋdok yonja talitimeŋ heki yabe uguk. ¹¹Wosuwaanŋ mede u yenimbune talitimeŋ heki adi nadifo wapum hinek tigiŋ. Tiŋa muneŋ mimiŋdok yofolokenegiŋ u nimbune nadiŋa Judas adi tali dediŋ foloŋ Jesu kohohik foloŋ kameŋdok yonja woom hatiguk.

Jesu mihiŋiye dut nanaje noŋgoŋ nagiŋ
(*Matiyu 26:17-25; Luk 22:7-14, 21-23; Jon 13:21-30*)

¹²Belet haguwonit mokit, sipakaŋ diniŋ hinamuni titiŋdok eŋ Aŋelodi Yabukiyondaanŋ Yalakapmeguk wondok hinamuni nai tubune dompa widihigiŋ nai uŋaniŋ Jesu mihiŋiyedi indiŋ ninadigiŋ, “Indi kamiŋ kwet deŋgoŋ Aŋelodi Yabukiyondaanŋ Yalakapmegukdok hinamuni tiulidokogamnim?”

¹³Unduŋ niŋgiŋ kaŋ Jesu adi meyat lufom mede indiŋ yeniŋa yeniŋkukuk. “Yokwet wapumneŋ wosuwaune me niŋ ime kabotnit buŋa hehitubu-mintawek. Kaŋ me uŋakoŋ keletaueeŋ ¹⁴yopmaŋ foune noŋgoŋ fooŋ yot molom u indiŋ nindemek. ‘Hinaledi indiŋ ganilak, Mihineye indi Aŋelodi Yabukiyondaanŋ Yalakapmeguk diniŋ nanaje nanimdok yotmaŋ deŋak?’ ¹⁵Unduŋ nindemek kaŋ adi yotmaŋ wapum foloniŋ, kumopop eŋ falik ila nanaje nanaŋdok agaŋ koom tiyeyekegiŋ u hanimbune

^h 14:5 Koom behepneŋ mede gineŋ 30 kina youkiŋ eŋ Bagi Mede gineŋ 300 kina youkiŋ. Kaŋ Numangoŋ mede gineŋ 1 tausen kina youkumun u mebi indiŋ doktiŋa molomolom youkam. Koom gulet kubugoŋ maaneŋ muneŋ kwanai tiŋa muneŋ beyagiŋ u tuwaŋiŋ fofonit. Iŋgoŋ kobuk nai indinde gulet kubugoŋ maaneŋ muneŋ kwanai tiŋa muneŋ beŋ adi lolonit. Unduŋ doktiŋa kunakunat molomolom youkumun.

nanaje ungoŋ tiulidokodemek.”¹⁶ Unduŋ yenimbu meyat u me nohiye noli Jesudut ungoŋ biyabuŋa yokwet wapumneŋ wooŋ nemenemek Jesudi yeninguk undugoŋ hinek tubumintaŋ Anjelodi Yabukiyondaŋ Yalakapmeguk wondok nanaje tiulidokogumuk.

¹⁷Ala bufalune Jesu adi mihiniye 12 dut ¹⁸buŋa nanaje falik ikelemadiŋa nanaje naŋila indin yeninguk, “Nu biyagoŋ hinek hanilat. Hidi’walaaniŋ me niŋdi memik heki kohohik foloŋ napmewek, me u nanaje nukut nongoŋ nayamut.”

¹⁹Unduŋ yenimbune mihiniye adi welemulap tiŋa ila molomolom indin ninadigiŋ, “Nu nobu?”

²⁰Unduŋ yogin kaŋ Jesudibo yeninguk, “Kwanai u me tuwelup hidi’walaaniŋ me niŋdi tibek, me u beletinŋ nukut maliŋ gineŋ wanaŋ kupmayamut. ²¹Me Kobumuŋ adi Youkudip Mededi yolak wendok tuwot kumuŋ gineŋ waak. Ingoŋ me nagila memik kohohik foloŋ kamewek adi yadi malabumuŋ wapum hekiwaak. Me kada, maŋgoŋ tibe mintaguk.”

Jesudi mihiniye dumuŋ yemguk

(Matiyu 26:26-29; Luk 22:15-20; 1 Kolin 11:23-26)

²²Nanaje hanaŋila Jesudi belet niŋ tiŋa Bepaŋ niutumbaŋ wobuŋa mihiniye indin yeniŋa yemguk, “Tiŋa nanen. I na’walaŋ foloone.”

²³U yemiŋa ime toutbo tiŋa Bepaŋ niutumbaŋ kameu uune mihiniye hogohogok ungoŋ nagin. ²⁴Kaŋ yeninguk, “I na’walaŋ naŋgatne, u yofolok kobuli tiŋa metam feedok kwatnelat. ²⁵Tiŋa indin hanimbe nadineŋ. Nu wain kwetfoloŋ inoŋ kotigoŋ nemu naŋ hatigene kougoŋ wain gitipmuŋ Bepaŋ’walaŋ Hatihati Ungoŋin gineŋ ilaŋa nawaat.” ²⁶Unduŋ yodapmaune kap niŋ todapmaŋ fooŋ buŋa wooŋ Oliwa Tuwai foloŋ login.

Pitadi Jesu mu bikabaak yo yogigine tuguk

(Matiyu 26:31-35; Luk 22:31-34; Jon 13:36-38)

²⁷Ungoŋ looŋ Jesudi mihiniye indin yeninguk, “Youkudip Mededi indin yolak, ‘Nu dompa kadokome ulukumumbene dompa heki adi u kaŋ momoŋ kwetkwet adapmanen.’ Unduŋ yolak doktiŋa hidi nadisukilitihik fiyalune binabuŋa momodapmanen. ²⁸Unduŋ tineŋ ingoŋ nu kotigoŋ kaikaŋ pilaliŋa Galilide timen waat.”

²⁹Unduŋ yenimbune Pitadibo medenin indin tubu-udaneminguk, “Mihigeye noli bigabuŋa momoneŋ ingoŋ nu tuwot mu bigabit hinek.”

³⁰Unduŋ niŋguk kaŋ Jesudibo Pita niŋguk, “Biyagoŋ hinek ganimbe nadiwen. Kamiŋ timin yendok pupup nai lufom mu kutibune du nu mu nadinamulaŋ nai lufomkulitniŋ yoben.”

³¹Unduŋ nimbune Pita adi gine tiŋa medenin kotigoŋ fafaŋgoŋ indin tubu-udaneminguk, “Da gula nu maŋ nulukumundok yoneŋ, ingoŋ nu mu nadigamulat mu yobit. Moŋ hinek!”

Kaŋ Jesu mihinjiye nolidi maan tubulodaan undugon yogin.

Jesudi Getsemani uŋon Bepaŋ ninadi kwanai tuguk
(*Matiyu 26:36-46; Luk 22:39-46*)

³²Unduŋ yonja ugin wooŋ kwet niŋ wou Getsemani uŋon wosuwaan Jesudi mihinjiye indiŋ yeniŋguk, “Hidi iŋgon hatune nu Bepaŋ ninadiwit.”

³³Unduŋ yeniŋa adi Pita, Jems eŋ Jon hogok yanagila ugin. Wooŋ welemulap wapum hinek nadiŋa nadimalabudaŋ ³⁴mihinjiye indiŋ yeniŋguk, “Welemulap kisaŋ hinek nadiŋa kumundegon nadilat ale iŋgon hali nehiulihilune Bepaŋ ninadiwit.”

³⁵Unduŋ yeniŋa kabe-muniniŋ uyeen kwetfolon maan hali folofigita mu nadidok kedem nobu yo Bepaŋ indiŋ ninadiguk, ³⁶“O me Baŋ, nemenemek du’walaŋkade adi kedem doktiŋa folofigita i nolomtibeŋ. Iŋgon nu yolat wendoktiŋa moŋ, da nadilaŋ unduŋ tibeŋ.”

³⁷Unduŋ ninadiŋa kotigon udaneen buŋa mihinjiye lufomkultiniŋ damo hadeitu yabuŋa Pita indiŋ niŋguk, “Saimon, du nehiulihina damo kaipmuŋ-kabe nemube ileŋ ale damo hogok tilaŋ?” ³⁸Pita unduŋ niŋa yeniŋguk, “Tigene tikamanda gineŋ gweheyeen maneeneŋ doktiŋa hogok-kabe niŋ haliŋa ninadi kwanai tineŋ. Welehiŋk adi loda tilak iŋgon foloohikdi malabuda tilak.”

³⁹Unduŋ yeniŋa kotigon wooŋ Bepaŋ koom ninadiguk undugon ninadiguk. ⁴⁰Ninadiŋa kotigon udaneen buŋa mihinjiye damo deihakagin buŋa yabuguk, adi dauhiŋk malabuda tubune damo hogok deihakagin eŋ Jesu mede debek ninidok mu nadigin. ⁴¹⁻⁴²Buŋa yabuŋa kotigon wooŋ udaneen bugukneŋ buŋa yabuŋa yeniŋguk, “Hidi damo dahakulema kwanai kougon be ha tiin? Agaŋ tuwot deikin, nai agaŋ bulak ale pilalu unim. Me Kobumuŋ adi agaŋ bolik titin medi kadakanin titin heki’walaŋ kohohik folon kamelak.”

Judadi memik yanagila uguk
(*Matiyu 26:47-56; Luk 22:47-53; Jon 18:2-11*)

⁴³Jesu adi mede hayenilu mihinjiye 12’walaaniŋ me niŋ wou Judas tiŋa mebop wapum adi Judahi’walaŋ Silonyot diniŋ talitimeŋ eŋ me wapuhi tiŋa Yodoko Mede hinale heki yeniŋkulune mik diniŋ bombon wanaŋ moŋgola Jesu tiŋa mihinjiye hakiŋneŋ bugin. ⁴⁴Buŋa Jesu memik kohohik folon kameŋdok Judasdi noliŋiye indiŋ yeniŋguk, “Nu me loon honeen siŋgoncome tibit kaŋ uŋakon honeen kadoko fafaŋeniŋ hinek tiŋila nag i unen.” ⁴⁵Unduŋ yeniŋa uŋaniŋgon Jesu tiŋa mihinjiye hakiŋneŋ busuwaan loon Jesu indiŋ niŋa siŋgoncomeguk, “Hinale.” ⁴⁶Kaŋ me heki wendi Jesu honefafaŋe tigin. ⁴⁷Kaŋ mihinjiye nebek niŋ yamaŋgon yaŋinŋdi miknon tamali tiŋa Silonyot diniŋ talitimeŋ wapum’walaŋ tipilapilaye-meŋin magi filodiguk.

48Kaŋ Jesudi indiŋ yeninguk, “Hidi nu mikbe tubupilale tilat doktiŋa miknoŋ eŋ tebe bohomo tiŋa nohonene buŋit? 49Nu helemahemaŋ hidigut Siloŋyotneŋ metam Mede Momooŋ yenindidime hati tilat, kaŋ nai uŋaniŋ maŋgoŋde mu nohoneiŋ? U Youkudip Mededi biyagoŋ mintadok tiŋ.”

50Unduŋ tigiŋ kaŋ Jesu mihiŋiye hogohogok adi Jesu bikabuŋa momodapmaŋ tigiŋ. 51Kaŋ mekuya niŋ tinahukut fafau tuguk adi mindaŋ yehikeletauguk. Yehikeletaune adi maŋ honenim yo tigiŋ 52iŋgoŋ momoune tinahukutŋiŋ hogok honeune uŋgoŋ kwihiboŋiŋ hambiyek momoguk.

Jesu adi me wapuhi eŋ talitimeŋ heki namandahik foloŋ yakuk
(*Matiyu 26:57-68; Luk 22:54-55, 63-71; Jon 18:12-14, 19-24*)

53Unduŋ tiŋa Jesu nagila Siloŋyot diniŋ Talitimeŋ Wapum’walaŋ yolineŋ ugiŋ. Me talitimeŋ eŋ me wapuhi eŋ Yodoko Mede hinale adi koom buŋa uŋgoŋ noŋgoŋ bopneŋ hakiŋ. 54Unduŋ tubune Pita adi gikiŋgoŋ yali yabukuwali uguk. Wosuwaŋ Siloŋyot diniŋ Talitimeŋ Wapum yoli hamuheneŋ fooŋ Jesu dedin timineŋ u kawit yoŋa mikme hekidut kuduhoekom ila tuguk.

55Kaŋ me Siloŋyot diniŋ talitimeŋ wapuhi eŋ Judahi’walaŋ kansol heki adi mede neeŋ yotubumintaune Jesu uutdok yoŋa mede nadinadi kwanai tigiŋ, iŋgoŋ nemek nemu tubumintaŋiŋ. 56Metam feedi mede yalaŋ fee habeyeŋ labu niyagiŋ, iŋgoŋ kahathikdi molomolom mintaguk.

57Unduŋ tiŋa me noli Jesudi yoguk yo yalaŋ niŋ indiŋ yogiŋ, 58“Indi nadine me i indiŋ yoguk, Nu Siloŋyot medi magiŋ i kedem uyakulaŋa melenai lufomkulitniŋ gineŋ kotigoŋ tubupilalaat, iŋgoŋ u kohonedo mu mawaat.”

59Kahat unduŋ tigiŋ iŋgoŋ me feedi yogiyonŋgiyone tigiŋ doktiŋa kahathik u foloŋnit mokit tuguk. 60Kaŋ Siloŋyot diniŋ Talitimeŋ Wapumdi pilali namandahik foloŋ yali Jesu indiŋ ninadiguk, “Mede ganiŋ u biyagoŋ be dedin? Deti dubo mede nemu tubu-udaneyemulaŋ?”

61Unduŋ ninadiguk kaŋ Jesu adi mede mu yoŋa hogok yakuk. Kaŋ kotigoŋ indiŋ ninadiguk, “Du Kilisto Bepaŋ mihiŋiŋ be?”

62Unduŋ ninadiguk kaŋ Jesudi “Eeŋ, nu iŋakoŋ,” yoŋa tomboyoula indiŋ yeninguk, “Me Kobumuŋ adi kougoŋ Bepaŋ Saŋiniŋ Molom kohon didimeniŋneŋkade ila kunum mulukwaŋ gineŋ buune kaneŋ.”

63Unduŋ yobune Siloŋyot diniŋ Talitimeŋ Wapum adi kisaŋ nadikadakaŋ ne’walaŋ tinahukutŋiŋ tububulagineŋ yoguk, 64“Adi Bepaŋ nintifo tilak u hide-ku agaŋ nadiŋ doktiŋa kotigoŋ aditok mede mu yodok. Ale hidi dedin nadiŋ?”

Kaŋ adibo yogiŋ, “Kadakanŋ tiŋak doktiŋa kumundok gigit tilak.” 65Unduŋ nindapmaŋ me nolido maluluk suwambali dawi haule tiŋa

ibiheja kohohik wobuŋa youla niŋgin, “Du polofet biyagon nobu hatiliweŋ kaŋ mebige tubudakaleweŋ.” Unduŋ tubune mikme hekidi nagila wooŋ fawi foloŋ udohokotikukin.

Pitadi Jesu medeŋin naditomguk

(*Matiyu 26:69-75; Luk 22:56-62; Jon 18:15-18, 25-27*)

⁶⁶Adi unduŋ tulune Pita adi hamuheneŋ fakaŋ yali kudup hekobu yatuguk kaŋ Silonyot diniŋ Talitimeŋ Wapum’walaŋ tipilapilaye waabi niŋdi buŋa kaŋ niŋguk, ⁶⁷“Du maan Jesu Nasaletniŋ dut ungoŋ hatilaŋ.”

Nimbune Pitadi yokamehebi tiŋa yoguk, ⁶⁸“Du nemek mede yolaŋ u nu mu nadilat.” Yoŋa uune pupup kutiguk.

⁶⁹Kaŋ tipilapilaye waabidigoŋ kotigoŋ kaŋ me noŋgoŋ yakin u yeniŋguk, “Jesu dut hatiin me niŋ iŋakoŋ.”

⁷⁰Unduŋ yenimbune Pitadibo kotigoŋ “Nu mu nadimilat,” yoguk.

Kaŋ kabe-muniniŋ yali me noŋgoŋ yakin dibo niŋgin, “Du maan Galiliniŋ doktiŋa du adi’walaaniŋ iŋgoŋ binek.”

⁷¹Unduŋ nimbune kotigoŋ Bepaŋ namanda foloŋ mede yofafaje tiŋa mede muyoyo yoŋa yeniŋguk, “Nu me u yoin u biyaku mu nadimilat.”

⁷²Unduŋ yoŋa yanadilu nai uŋaniŋgoŋ pupup kotigoŋ kutiguk. Kaŋ Pita adi Jesudi mede indin niŋguk u naditomguk, “Pupupdi nai lufom mu kutilune du mu nadinamulaŋ nai lufomkulitniŋ yobeŋ.” Mede u naditomuŋa welebulaniŋgoŋ hinek nadiŋa makat kisaŋ kokuk.

Jesu Pailat namanda foloŋ yakuk

(*Matiyu 27:1-2, 11-14; Luk 23:1-5; Jon 18:28-38*)

15 ¹Helehautaune Silonyot diniŋ Talitimeŋ wapuhi eŋ me wapuhi noli eŋ Yodoko Mede hinale eŋ Judahi’walaŋ kansol heki wanaŋ bopneŋ Jesu uutdok yodapmagin. Tiŋa kohon ibikilitiŋa nagila wooŋ Pailat kohon foloŋ kamegin ²kaŋ Pailatdi indin ninadiguk, “Judahi’walaŋ me mapme du-ku be?”

Kaŋ Jesudibo niŋguk, “Yolaŋ uŋakoŋ.”

³Unduŋ yobune Silonyot diniŋ talitimeŋ wapuhi adi nemek kadakanin tuguk yo niŋgin ⁴kaŋ Pailatdi kotigoŋ ninadiguk, “Nemek kadakanin fee tugun ganiin kaŋ maŋgoŋde mede nemu tubu-udaneyemulaŋ?”

⁵Unduŋ niŋguk iŋgoŋ Jesu adi mede-kabe nemu tubu-udanemimbune Pailat adi boho kisaŋ tuguk.

Jesu kumuŋdok nindapmagin

(*Matiyu 27:15-31; Luk 23:13-25; Jon 18:39-19:16*)

⁶Gulet indigoŋ Anjelodi Yabukiyondaan Yalakapmeguk diniŋ nai foloŋ Judahidi me yot fafaŋeniŋneŋ hakagin me niŋ wou yoyagin kaŋ Pailatdi nadidapmaan niŋkulune foon uluguk. ⁷Ala nai uŋaniŋ me niŋ

wou Balabas adi me noli dut gapman mik timiņa me niņ ulukumunģiņ kaņ yanagila yot fafaņeniņneņ yapmegiņ. ⁸Ala metam buņa bopneer feņ tagiņ unduņ, Pailatdi nebek neeņ yot fafaņeniņneņniņ niņkulune fobubuņdok nine bu bopnegiņ.

⁹⁻¹⁰Kaņ Pailatdi Silonyot diniņ talitimeņ wapuhi'walaņ nadigalikahik agaņ kaņ nadiguk. Adi metam feedi Jesu kelegiņ u yabuņa Jesudok nadiune tuwot mu tuguk wendoktiņa Pailat'walaņ nagi ugiņ. Pailat adi u agaņ nadikabeleer metamdi dediņ yoneņ yo indię yeninadiguk, "Hidi nu Judahi'walaņ mapme i niņkule foonj wek be nadiiņ?"

¹¹Unduņ yeninadiguk kaņ Silonyot diniņ talitimeņ wapuhi adi Jesudok kibikoņ Balabas niņkulu foweķ yoneņ yoņa metam yeningigine tigiņ.

¹²Unduņ yogiņ kaņ Pailatdi kotigoņ yeninguk, "Kaņ Jesu, Judahi'walaņ me mapme niņ, adi dediņ timimbit?"

¹³Unduņ yeninadiguk kaņ metam hogohogok adi kutiņa yogiņ, "Koloņdabek foloņ kumumbek!"

¹⁴Kaņ Pailatdi kotigoņ yeninadiguk, "Maņgoņ yom hineķ tijaķ doktiņa?"

Unduņ yeninadiune gibitaņ kutifiyeer yogiņ, "Koloņdabek foloņ kumumbek!"

¹⁵Unduņ yogiņ kaņ Pailat adi metam yehitubu-kulemadok yoņa Balabas bikabune uguk, kaņ yodapmaune Jesu kiyegelep dendemnitdi utubukadakaaņ koloņdabek foloņ utne nagi ugiņ.

Jesu kudi mu titiņ timiņgiņ
(*Matiyu 27:27-31; Jon 19:2-3*)

¹⁶Unduņ tubune memik hekidi nagila foonj wooņ gapman'walaņ gimbaņa gineņ yowawaliweņ ugiņ. Uņoņ uune mikme hogohogok buņa bopnegiņ. ¹⁷Bopneer mapme diniņ tinahukut giminiņ tinahukulimiņgiņ. Eņ mundendemdi gwaikelemadiņa mapme kuluņ welewele tiņa mebi foloņ mokomiņgiņ. ¹⁸Unduņ timiņa kahaņinda tiņa indię niņgiņ, "O Judame heki'walaņ Mapme! Ganintiloym!" ¹⁹Unduņ niņa kuyaņdi ki foloņ ukiņ, ula maluluk suwambali mulelem tikamaņkamane timiņgiņ. ²⁰Nemenemek u timindapmaaņ tinahukut giminiņ u kwihikulimiņa ne'walaņ dahidahidi kotigoņ tinahukulimiņa koloņdabek foloņ utne nagi ugiņ.

Jesu koloņ dabek foloņ ukiņ
(*Matiyu 27:32-44; Luk 23:26-43; Jon 19:17-27*)

²¹Talipmeņ wooņ me niņ wou Saimon, Sailini yokwetneņniņ, Alesanda dut Lufus behik, adi yokwet wapumneņ fowe buguk, kaņ mikme hekidi niņgigineune Jesu tubulodaaņ koloņdabekniņ bemguk. ²²Bembune Jesu nagila kwet wou niņ Golgata uņoņ wosuwaģiņ. (Kwet wou u mebi

inde'walaŋ mede foloŋ me mebi kitili.)²³ Uŋoŋ wooŋ wain ime haguwoⁱ gut miŋobuŋa nawek yo miŋgiŋ iŋgoŋ adi mu naguk,²⁴ kaŋ koloŋdabek foloŋ ukiŋ. Ula mindaŋ dahidahiriŋ u titiŋdok yoŋa kat kukiŋ. ²⁵Nain kilok haniŋ koloŋdabek foloŋ ulaŋa ²⁶kudi indiŋ youla koloŋdabek ki foloŋ ukambiyakiŋ, “Judahi'walaŋ Mapme.”

²⁷Kubome lufom maanŋ koloŋdabek foloŋ widihiyambiyakiŋ, noli kohon didimeniŋneŋkade eŋ noli kohonŋ kapmadineŋkade. ²⁸Unduŋ tigiŋ kaŋ koom Youkudip mede gineŋ kadakanŋ titiŋ dut kumumbaak youkiŋ undugoŋ folooŋ mintaguk.

²⁹Kaŋ metam kalakapmeenŋ woŋambuŋat tiŋa Jesu kaŋ mebigugunŋ tiŋa indiŋ niŋfokogiŋ, “Da dibek ale Siloŋyot uyakula helebufa lufomkultiniŋ maanenŋ kotigoŋ makufulawe yoguŋ, ³⁰kamiŋ koloŋdabek foloŋ debek fobu gabune! Detiŋa da folooge mu tubulodalaiŋ!”

³¹Kaŋ Siloŋyot diniŋ talitimenŋ wapuhi eŋ Yodoko Mede hinale heki adi maanŋ nehi uŋgoŋ indiŋ yoŋa niŋfoko tigiŋ, “Metam noli kedem yehitubulodayauguk iŋgoŋ ne folooŋ i debek ti mu tubulodalak oŋ. ³²Du Kilisto, Isilaehi indi'walaŋ mapme biyagoŋ nobu hatiliweŋ kaŋ koloŋdabek foloŋneniŋ debek founa gabuŋa nadisukilitigamnim.” Meyat lufom fukufukuŋ widihiyambiyakiŋ adi maanŋ undugoŋ Jesu niŋfoko tugumuk.

Jesu kumuŋguk

(*Matiyu 27:45-56; Luk 23:44-49; Jon 19:28-30*)

³³Unduŋ hatimilune mele lekiŋgoŋ tuguk, kaŋ kwet wanakaŋ mambip tubudapmaanŋ halune wooŋ 3 kilok tuguk. ³⁴Kaŋ gibita kutifiyeenŋ indiŋ yoguk, “Eloi, Eloi, lama sabatani.” U indi'walaŋ mede foloŋ indiŋ, “Bepaŋne, Bepaŋne, maŋgoŋde binabulaŋ?”

³⁵Metam uŋoŋ yakiŋ adi mede u nadiŋa nolidi indiŋ yogiŋ, “Kei! Adi Ilaija bidak kutinilak.” ³⁶Unduŋ yoŋa me niŋ kiyaneenŋ wooŋ imenŋgwanŋ yage wou “spans”^j u tiŋa wain ime buukaŋ gineŋ kupmaune sinintaune tiŋa kusek diki foloŋ ibikilitiŋa Jesudi dundupnawek yoŋa mami foloŋ kameenŋ me noliŋiye indiŋ yeniŋguk, “Agaŋ wabinene Ilaijadi biyagoŋ nobu buŋa tubulodau founa kanim ale.”

³⁷Unduŋ yayolu nai uŋaniŋgoŋ Jesu yakawe wapum toŋa kumuŋguk. ³⁸Kumumbune Siloŋyot maanenŋ haule bulubuluyenŋ kakaŋ wodihep tuluguk u wahiŋ dikineŋ tububihila lekiŋgoŋ hinek tawatafoŋ dikineŋ tawadapmaguk.

³⁹Kaŋ mikme heki'walaŋ talitimenŋhik koloŋdabek hebenŋ foloŋ yakuk adi Jesu kumuŋgiŋ u kanadiŋa yoguk, “Biyagoŋ hinek, me i adi Bepaŋ mihiŋgiŋ hinek.”

ⁱ 15:23 Wou “mel” yoiŋ.” ^j 15:36 “Spans” woŋ adi imenŋgwanŋ maanenŋ yage ikiŋ diniŋ wou. Ala yage u mateles dabugoŋ kulakulayehi doktiŋa ime gineŋ fulaune ime yage wendok gineŋ sininta tilak.

⁴⁰Karj tamwoi noli-kabe kweetningonj yali nemenemek mintaguk u kaginj. Maliya Madala yokwetneņniņ ej Salome ej Maliya Jems kuyanij dut Josep mehik adi tamwoi u bopne yakinj adut nonņonj yakinj. ⁴¹Tamwoi adi Jesudi Galili kwet yaugukneņ uņonj nonņonj yaunjila tubulodayauginj, ej tamwoi noli u yakinj adi maanj Jesu dut Jelusalemde nonņonj buņa hatiginj hekidi yakinj.

Jesu bom gineņ kameginj

(*Matiyu 27:57-61; Luk 23:50-56; Jon 19:38-42*)

⁴²⁻⁴³Kwet tebele-daune Josep Alimatiyanij adi Judahi'walaņ kansol dinij me wapum niņ ala hatihati kobut deniņ mintaune kakaņdok wendok nadiņa woom hatiluguk. Ala Sabat gulet haloņ itnim yoņa tiulidoko tulune me i Jesu foloonj dabaanj tiņa wooņ bom gineņ kamewene munta mu tiņa fafaņe tiņa Pailat'walaņ looņ ninadiguk. ⁴⁴Karj Pailat adi Jesu agaņ kumuņguk u mu nadi hakuk ala Josepdi looņ nimbune nadiņa sukule tiņa mikme heki'walaņ me wapum niņ kutinimbu buguk, buune Jesu abe kumuņak be moņ yoņa ninadiune ⁴⁵kahat timimbu nadiguk. Nadiņa Josep Jesu foloonj dabaanj kedem tiņa wek ⁴⁶nimbune Josepdi wooņ haule fafau niņ tuwaaņ tiņa wooņ Jesu foloonj dabaanj kolonj dabek foloņ yakuk u kibidali tiņa foguk, fooņ haule di tumula tiņa wooņ bom kawade maaneņ wamukiņ gineņ kameguk. Kameeņ kawade niņ dekeleune buņa bom mami tehep tuguk. ⁴⁷Maliya Madalanij dut Maliya Josep yakat mehik adi maanj uņņonj yayabulune Jesu foloonj dabaanj kameginj.

Jesu pilakuk

(*Matiyu 28:1-10; Luk 24:1-12; Jon 20:1-10*)

16 ¹Sabat nai dapmaune Maliya Madalanij ej Salome ej Maliya Jems miņ adi Jesu foloonj dabaanj yougomdok yoņa haguwo munduņhinit momohi noli tuwaginj. ²Ala Sonda haniņ mele labulabude Jesu bomņiņ gineņ uginj. ³⁻⁴Talipmeņ wooņ kawade malabumuņ bom mami teheginj u nediyenđi siloneyembek yoņa nehi uņņonj yonadibedi titauginj. Unduņ yotawooņ kalune kawade u wapum kakaanj hinek iņņonj agaņ siloneune hamap yakuk.

⁵Undiniņ karj tamwoi adi wodapmaanj bom mamineņ wo kalune mekuya niņ didimeneņneņkade tinahukut fafau tiņa ikuk, tamwoi adi u karj sukule tiginj ⁶karj indij yeninņguk, "Hidi munta mu tineņ. Hidi Jesu Nasaletniņ kolonj dabek foloņ ukiņ u lohiņ u agaņ nadilat. Adi agaņ pilalak, kwelikonj hogok i kanenj." ⁷Unduņ yenija yoguk, "Mede i tiņa wooņ mihiniye yenineņ, tiņa Pita maanj nineņ. Jesu agaņ Galilide timenj ulak, ale hidi koom haniņguk unduņ uņņonj wooņ kaneenj."

⁸Unduņ yenimbu tamwoi adi boho tiņa hehele tiginj, tiņa kiyane hogok uginj. Tiņa munta maanj tiginj doktiņa nebek nemu wooņ yeninņginj.

Jesudi Maliya Madalanij mintaminguk

(Jon 20:11-18)

⁹Jesu kumuŋ ginenij pilali Sonda haniŋ timeŋ Maliya Madalanij mintaminguk. Tam u koom yabap 7 yehikeleminguk. ¹⁰Kaŋ adibo wooŋ mihiniye makat hakokiŋ u yeninguk, ¹¹“Jesu agaŋ kaikaŋ pilalak kaŋ agaŋ kaŋ bulat.” Unduŋ yeninguk kaŋ mihiniye adi medeŋiŋ u mu nadisukilitigiŋ.

Jesudi mihiniyat lufom mintayemguk

(Luk 24:13-35)

¹²Jesu adi Maliya Madalanij mintamiŋa kotigoŋ mihiniyat lufomuk Jelusalem biŋa yokwet niŋ udene ulu namandap niŋ gineŋ mintayemguk. ¹³Unduŋ tubune wabiŋa udaneŋ buŋa mihiniye noli yeningumuk, iŋgoŋ adi medehik u nadiune yalaŋ tuguk.

Jesudi mihiniye 11 mintayemguk

(Matiyu 28:16-20; Luk 24:36-53; Jon 20:19-23)

¹⁴Mindaŋ hinek mihiniye wanakaŋ nanaŋe hanalu mintayemguk. Tiŋa kumuŋ ginenij kaikaŋ pilali metam mintayembune kaŋ buŋa yeningiŋ iŋgoŋ welehek tehekilitiŋa medehik mu nadisukilitigiŋ wendoktiŋa mede fafaŋeŋgoŋ yenintoguk. ¹⁵Tiŋa indiŋ yeninguk, “Hidi kwetkwet wooŋ metam hogohogok Mede Momooŋ yenhautaneŋ. ¹⁶Nebek niŋdi nadisukiliti tiŋa Imeyout tibaak adi Bepaŋdi tubulodawaak. Eŋ nadisukiliti mu tibaak adi Bepaŋdi kwet kadakanij gineŋ uuŋdok nindapmawaak. ¹⁷Nadisukilitihiniŋ adi Bepaŋdi saŋiniŋ yembune nu wotnene yoŋa yabap yehikeleneŋ, eŋ mede gitipmuhi yoneŋ, ¹⁸eŋ miŋgembet yohoneyaneŋ be ime upmuŋnit nayaneŋ iŋgoŋ mu yehitubu-kadakuwaak, eŋ kohohik me yagithiniŋ foloohik foloŋ kameune kedebayaneŋ.”

¹⁹Wapum Jesu adi mede unduŋ yeniŋa kunum gineŋ loguk. Loon Bepaŋ kohon didimeniŋneŋkade itak. ²⁰Unduŋ yeniŋa loune mihiniye adi kwetkwet wooŋ Mede Momooŋ yohautagiŋ, kaŋ Wapum ne adut kwanai noŋgoŋ tigiŋ. Unduŋ tiŋa medehikdi biyagoŋ mintadok yoŋa kudi titiŋdok saŋiniŋ yemguk.